

75 onns

Club da skis Sedrun/Tujetsch

da Tarcisi Hendry

Beinvegni

cordial a Vus tuts fa il club da skis Sedrun-Tujetsch, che astga festivar il giubileum da 75 onns. El sepresenta en vestgiu da fiasta e porscha cun quella caschun ina cronica davart svilup e success dapi la fundazion: Nus dad oz astgein esser loschs ed engrazieivels als iniziants da 1914. Els han mess il crap da cantun per igl andament dil sport d'unviern insumma en Tujetsch, ina vesta visiunara da piuniers temeraris en ina vallada allontanada e da siu persei. En lur visiun han els sentiu la schanza nundetga cun promover il sport d'unviern per indigens ed jasters. Oz savein nus tuts. La branscha da skis ei ina dallas petgas principalas per il beinstar economic en Tujetsch e quei svilup ei s'extendius tec a tec en l'entira Surselva ch'ei daventada ina regiun ferma e fluenta era tras il turissem d'unviern. Il Club da skis Sedrun-Tujetsch fa fiasta gronda a caschun dil giubileum da 75 onns ed envida Vus tuts da separicipar ed el engrazia per il sustegn e la buna collaboraziun.

En num dil club da skis Sedrun-Tujetsch
il comite directiv

Fundaturs dil Club da skis Sedrun/Tujetsch



Berther Lucas, Sedrun
hotelier
president 1914-1924
(1890-1965)



Monn Gion Felici,
Camischolas, pres. comm.
actuar 1914-1921
(1876-1954)



Decurtins Hans, Sedrun,
scolast
cassier 1914-1915
(1885-1951)



Berther Giachen Fidel,
Rueras, scolast
(1889-1946)




Hendry Luis, calger
Gonda/Sedrun
(1877-1941)



Soliva Battesta, vitturin
Gonda/Sedrun
(1882-1957)



Hendry Leci, Surrein,
calger
(1884-1953)



Berther Sigisbert
Gonda/Sedrun, calger
(1889-1966)

Protocol da fundaziun e statutas

Statuts dil club de skis de Tujetsch dils 15 de november 1913

1. Il club de skis de Tujetsch ha igl intent de promover il sport de skis sco era la cultivaziun della collegialitat.
2. Perquei intent instradescha il club excursiuns communablas, exercezis, cuorsas de pag, cuors de skis e tegn radunonzas unidas cun discussiuns concernent il sport.
3. L'uniun consista ord commembers activs, activs duront la sesiun, passivs e commembers d'honur.
4. Commember activ ed activ duront la sesiun sa mintgin daventar, il qual exercitescha practicamein il sport de skis ed ha cumpleniu il 16avel onn.
Commembver passiv sa mintgin daventar, il qual s'interessescha per la promoziun dalla uniun ed il qual paga en l'annualala contribuziun perscretta els Statuts.
5. Arisguard il prender si commembers ell'uniun decida la suprastanza. Il prezi d'entrada per commembers activs muta sin fr. 3.- e la contribuziun annuala sin fr. 2.-. commembers activs duront la sesiun pagan 5. - fr. per sesiun e commembver passivs 2. - fr. Gl'incassament ha liug il meins schaner.
6. Passar ord l'uniun San ins suenter esser s'annunziaus en secret alla suprastanza e suenter haver pagan la contribuziun per quei onn.
7. Duront ils meins d'unviern, november entochen il mars, duei mintga meins haver liug ina radunanza, la quala ei mintga gada obligatorica per ils commembver activs dil club. Il schaner duei vegnir teniu ina radunanza generala per commembver activs e passivs. En cass de nunperstgisadas absenzas pagan ils commembver activs ina puniziun de 20 centims.
8. La suprastanza consista ord president, actuar e cassier. Ella ha d'haver quitau per las fatschentas currentas dell'uniun.
9. Aschi ditg sco il club dumbra buca meins che 5 commembver, astga el buca vegnir sligiaus si. – En cass de sligiazun croda la facultad ella Cassa pauperila della vischunaunca de Tujetsch.
10. Modificaziuns dils vertents statuts san daventar mo cun il surpli dellas vuschs de tuts commembver activs.

Ils sura statuts ein unanimamein vegni acceptai ella radunanza dil schaner 1914.

Sco president han ins elegiu: sgr. hotelier Lucas Berther

sco actuar: sgr. president communal Felici Monn

sco cassier: sgr. scolast Hans Giachen Decurtins

Club da skis Sedrun/Tujetsch – ina cronologia

Survesta dil svilup dil sport da skis ella Val Tujetsch. Nudau cronologicamein, primarmein ord vesta dil club ed en general.

- 1880 Il sport da skis pren sia entschatta en Svizra.
- 1896 Emprema notizia sur digl ir cun skis en nossa val. Il Péz Tgietschen vegn ascendius l'emprema gada cun skis neu dalla vart uranesa.
- 1910 Sul Pass Alpsu arrivan ils emprems skiunzs neu d'Ursera ella Val Tujetsch. In da quels emprems skiunzs ei era Sigisbert Berther, calger, staus. Ses skis secattan oz el museum La Truaisch a Sedrun. Igl ir sin neiv cun aissas ha fatg gronda impressiun sin bein enqualin ed ils pli curaschus fan las empremas emprovas sin las aissettas.
- 1914 Sto esser ch'igl ir cun skis ha murdiu en ed immediat anflau ina roscha adherents da quei niev sport. Motivs che laian fundar il Club da skis Tujetsch. Ils gronds iniziants, fundaturs e fervents promoturs dil club ein stai:
- Berther Lucas, hotelier, Sedrun
Monn Gion Felici, deputau e president communal, Camischolas
Decurtins Hans, scolast secundar, Sedrun
Berther Giachen Fidel, scolast, Rueras
Hendry Aluis, calger, Sedrun
Hendry Leci, calger, Surrein
Berther Sigisbert, calger, Sedrun
Soliva Battesta, vitturin, Sedrun
- Quater capavels skiunzs dil club han gia quei onn priu part ad ina cuorsa da pag a Mustér e cuntionschiu il secund e quart rang.
- 1915 Per l'emprema ga vegn organisau ina cuorsa pils buobs. Agl intent primar da promover il sport da skis vegn immediat dau gronda peisa cun arranschar cuorsas per ils mattatschs ed animar els tonpli agl ir cun skis.
Insumma entscheiva ussa ina gronda propaganda era anoviars per promover il sport da skis en nossa val. Aschia entran era treis commembers dil club da skis da Mustér el club da Tujetsch. Ils piuniers han fatg persenn dallas idealas pusseivladads d'exequir quei sport d'unviern sin las spundas suleglivas da nossa biala val.
Modificau ils artechels 6 ed 8 dallas statutas che secolman ussa aschia:
§6. Pass'in commember ord l'uniun avon il cumpleniu 35avel onn, sche sto el aunc pagar 3 frs. ultra dalla taxa annuala.
§8. ... e la suprastonza vegn elegida per dus onns.
- 1916 Vegr ei discussionau, co, nua e cura ils commembers activs savessien las dumengias suentermiezdi tener exercezis communabels.
- 1917 Las cuorsas da pag pils buobs vegnan cuntuadas dapi 1915. *Ils 14 da schaner 1917 ha giu liug la cuorsa da pag pils mattatschs da scola. Numerusa participaziun da vart dil pievel ha demussau ch'era leu entscheivi il senn ed interess per il sport da skis a sereghegliar.*
Ils 20 da schaner han treis commembers da nies club da skis priu part alla cuorsa da resistenza e da slalom tenida dil club da skis da Mustér. Il meglier ha accusitau il sisavel premi. Il tierz skiunz ha plitost giu discletg. Bein era il spért prompts, gnanc la carn era fleivla, mo las curregias han disdiu ed il piogn sur il dutg da Segnas ha balluccau. A Cons ha el untgiu il tierm culs skis si dies e buca ditg suenter meina la posta da Tujetsch encunter casa il sventirau skitur sin pli segirs slusels.
Quei onn ei vegniu organsiau ina tombola da daners per recaltgar daners che ha purtau alla cassa 228 frs. Ella ei per gronda part vegnida applicada per la cumpra da premis per la cuorsa da mattatschs.
Modificazion dallas statutas: *midau il §7 da nos statuts el senn che neginas radunonzas dil club seigien obligatorias e che las taxas per absenza crodien consequentamein naven. Era la taxa d'extrada da 3 frs., posteriuramein stada annexada a §6, vegn cheutras annulada. Ins ha cheutras vuliu exprimer ch'igl intent dall'uniun seigi buca quel da vuler squitschar e sfurzar ses commembers, anzi, vegn ei spitgau ch'il saun giudezi domineschi scadin commember taluisa ch'el prendi stediamein part dallas radunonzas e gidi aschia a promover il scopo dall'uniun ed el medem temps il spert da collegialitat.*

- S'entelgesch'ins dad ad interim tener las radunonzas alternativamein inaga a Sedrun ed a Rueras.*
- 1918 Emprema cuorsa dil club, ils 13 da schaner 1918 ed ina cuorsa da slalom sils 20. Quella cuorsa ei veginida numnada cuorsa da resistenza e mintga participont ha obtenui in premi. Sco derschaders han funcziunau: Monn Gion Felici, Hendry Aluis, Monn Gion Antoni, Berther Tumaisch Benedetg e Soliva Battesta.
 Vegg concludiu d'entrar ella Uniun svizra da skis (SSV).
 Dall'uniu svizra retscheiva il club dua pèra skis gratuitamein, igl onn 1919 10 pèra skis. A tgi regalar quels vegg schau sura alla suprastanza. Insumma ha l'uniun svizra susteniu bia onns il club cun schenghegier skis. Secapescha ch'il plascher dils buobs ei era staus nundescrivibels.
- 1919 Treis buobs da Sedrun han priu part ad ina cuorsa da mattatschs a Mustér. In da quels ha acquistau igl emprem rang. Ils dus auters han giu disclctg ed ein sefatgs mal.
 Ils dus da fevrer ha giu liug a Surrein l'emprema cuorsa da slalom. Endisch skiunzs ein separticipai. «*Tier quei exercezi ha ei semussau che nos skiturs stattan arisguard prestaziuns tier quellas cuorsas artificialas aunc sin in bass scalem. Ei drova leutier en emprema lingia exercezi ed entgina instrucczun. Nies club duess sigl avegnir prender quella caussa meglier en egl ed operar pli bia en quei senn.*»
Essend che treis commembers dalla suprastanza dil club da skis da Mustér ein era commembers da nies club e pagan la taxa annuala, conclud'ins ch'era silmeins dus commembers da nossa suprastanza dueien figurar e pagar sco commembers dil club da skis da Mustér.
- 1920 Per prevegnir empau al sgurdin da nossa petschna cassa vegg ei concludiu da vender ils dis dallas cuorsas da pag rosettas. Sinaquei che quellas hagien empau esit e vegnien vendidas e cumpradas da co,r duei la vendita daventar entras ils fins e leischens mauns da duas adequatas mattauns.
La tiarza cuorsa da resistenza dil club da skis da Tujetsch ha giu sia partenza sill Vallabuscha. Da leu entraviers neuadora giu sut il baghetg da Nurschai Sura, direcziun faner staus d'Alexis a Budas, da leu in toc anora, lu in toc da Plaun Saltè giu, sugl uaul Mila vi, ora si Pardatsch, lu giu Flurin, suenter in toc si encunter Sumpraus e lu en carauns dils Plauns Zarcuns giu tochen giusut il stradun in tschanucun ora su il baghetg da Flurin Sut, nua ch'il tierm era tschentaus. Priu part han 23 da Tujetsch e 7 da Mustér.
Vegg ei ventilau la damonda, nua e co ins savessi erreger in sempel cundrez da siglir principalmein per scolars e pli giuvens skiturs. En egl eis ei vegniu priu in qualificau liug si Tschuppina, Sumpraus.
- 1921 Il club da skis daventa commember dalla Uniun grischuna da skis.
 Il protocollist fa la suandonta remarca: «*Essend ch'igl onn 1921 ei staus paupers da neiv, la quala ei la ragisch dil sport da skis, ha quei buca propri pudiu serefar e prosperar sco antruras. Lein sperar ch'il 1922 porti en abundanza quei ch'il 21 ha giu scart.*»
Il spert da collegialitat che stat aunc sin ualit bass scalem vegnessi cheutras promovius, entras cuorsas da pag, ed aschia acquistau ina pli cuntenteivla realisaziun digl intent dil club. – Buca mo il di dalla cuorsa da pag e dalla distribuziun dils premis duei ins cumparar, era tier autras occasiuns dueien ils commembers ton sco pusseivel esser sin posta e funcziunar. Pia viaden cun pli bia ideal
 Per promover il sport da skis vegg organisau exercezis communabels. Quels han liug duront gl'entir unviern las dumengias e firaus suentermiezdì. «*Sco engaschaders da trer e stilar neutier skiturs per quei intent, vegnan cumissiunai a Rueras: scolast Cathomen Bistgaun ed a Sedrun Baseli Huonder.*» Liug da rimmada e d'exercezi fuva la casa da scola a Camischolas.
- 1922 La tschunavla cuorsa da resistenza ei veginida menada atras. Alla cuorsa dils affons han 70 priu part.
 Problems finanzials sforzan d'extrar dalla Uniun svizra da skis.
- 1923 Cuorsa da pag pils affons. *La lingia era stagiada ora giu da Caschleglia vi sil crest sur Sedrun, da Pitgmun oragiu e dador Sedrun giu. Quei ei stau in di da gronda legria per ils futurs promoturs da quei sport e da nies club.*
- 1924 In vent furius sto haver fatg cambrolas el ravugl dil club da skis.
 Aschia concludan ils commembers quei onn da schar exister vinavon il Club da skis Tujetsch.
 Vegg concludiu da schar far ina medaglia pil club. Quella representa ils dus cuolms: Péz Crispalt e Péz Ner ed in per skis.

- 1925 Il club da skis dumbra 25 commembers.
La cuorsa per ils carschi ha giu mo sis participonts e da quels mo treis Tuatschins. Essend aschi paucs han tuts survegniu in premi. Igl ei deplorabel, ch'ins demuossa aschi pauca affecziun tier quei bi sport ed ins ha era exprimi en la gasetta ch'ina schi pintga participaziun seigi stau mo in schabettg per quella gada e speri ch'enzatgei aschia vegni mai pli a daventar.
Cuorta survesta digl unviern 1925
Ils siemis che legravan grond e pign sin bialas fiastas de skiturs ein deplorablamein buca severificai. Quasi negina neiv tochen viers la fin fevrer. Lu ha igl unviern cun sia barba grischa aunc tarmess empauet neiv, mo buca bia per ira cun skis, era fuva ei lu memia tard. Ord quest motiv han ils biars laschau lur skis si surcombras, aschia ch'ils artists dell'aissa han uonn buca saviu far diever e s'occupar cun quei bi sport. E tonaton ei igl onn 1925 staus in bi unviern. Tgei bials dis clars e sereins spir glisch e sulegl. Tgei bialas notgs sereinas nua che cuolms e valladas vegnan sclari della migeivla splendor della glina che viagescha sc'ina loscha regina sur la tgeua cuntrada vi. Nossa biala vallada cun quels marveglius maletgs dalla natira han cumentau era ils numerus curants els hotels a Sedrun cumpleinamein e remplazzau il sport sillas aissas, impediuss tras la munconza de neiv.
Possi egl onn 1926 gl'unviern, quei vegl pictur, purtar pli bia neiv, sinquei ch'il svilup dil sport da skis vegni buca impediuss.
- 1926 Avertura dalla Viafier Furca-Alpsu. *La lingia denter Andermatt e Mustér ei vegnida surdada al traffic ils 19 da zercladur 1926 ed ils 3 da fenadur han ins saviu inaugurar l'entira lingia denter Brig e Mustér.*
- 1927 Ils emprems jasters, hospes da vacanzas, figureschan sco commembers dil club. En tut 19, ils biars dalla regiun Turitg. Vegin decidiu da far turas e quei duront la jamna cun era schar se-participar hospes da vacanzas.
Fundaziun dalla Uniun da cura e traffic.
Cun quei fuss la part ufficiala dalla hodierna radunanza stada alla fin e declara signur president la radunanza per serrada, per dar part alla part hilarica, metta il calender gie cun il di dad oz l'entschatta dil giuncher tscheiver. Beingleiti ei la societad stada tratga dapart e tgi ei sebess ella troccas, auters vid igl jass ed auters encurevan schizun da passentar il temps cun dar stappuns. Plaun a plaun ein era giugadurs e bagat vegni unfis ed ils jasters fagevan era pli e pli lev cun far il „schieben“ ni sco nies premuar senior manegia „stuschar“ ni „remetter“. Il desideri suenter la bisacca vegneva pli e pli ferms ed ina certa fleivlezia entschaveva a sefar valer e perquei essan a bunura serendi mintgin encunter siu liug per aunc guder il rest dalla notg en in emperneivel sien.
Cun grond plascher han ins quella ga saviu constatar ina pli numerusa participaziun ch'antruras, aschia ch'ins sa sperar che nies club possi puspei prosperar vinavon e quei tonpli ch'ei sesanflava denter ils presents ina gruppa fretgs giuvenots ch'aspiravan d'entrar en nies club.
- 1928 In grond diember da Turitges fuvan commembers da nies club. Quels s'organiseschan a Turitg e fundeschan leu ina secziun dil club cul num «Sektion Unterland». Quei sutclub ei semantenius tochen al di dad oz. II cunctact cul club-mumma ei denton vegnius interruts ils onns tschunconta. Il club da skis daventa danovamein e cun agid dalla secziun bassa commember dalla Uniun svizra da skis. Il club dumbra quei onn gia 70 commembers, da quels ein 31 indigens e 49 jasters. Da quels jasters ein 35 commembers dalla secziun «Unterland». *Signur president prelegia il rapport dil curriu e passau digl onn 1928. Nies club ha giu duas radunonzas, ina cuorsa da pag pils affons ed ina pils carschi. Tschun commembers han priu part dalla cuorsa da pag a Breil. – Nies club dumbra oz 70 commembers, da quels ein 31 indigens e 49 externs. Da quels 49 externs ein 35 commembers dalla secziun Unterland.*
Signur scolast Nay animeschia la radunanza da star en per scadin commember. Ins vegli buca tolerar talas proceduras, sco gl'ei vegni fatg d'in commember dil club da Mustér viers in zun preziau commember da nies club – ord spira adversitat.
- 1929 Revediu las statutas che remplazzan quellas d'anno 1914.
Ord vesta dils numerus hospes che visetan la val duront igl unviern e vulan emprender d'ir cun skis vegn la Scola da skis Sedrun fundada.
Affons da scola, basignus, survegnan uonn skis gratuit. Ils scolasts vegnan supplicai da dar en al comité, quals affons vegnan cheu en damonda. Ils skis vegnan denton distribui dl comite

	<i>anora. – Signur scolast Nay remarca che sut il num da nies club duess ei mai vegnir proclamau saltems. Als jasters vegl'ins denton schar la cumpleina libertad.</i>
1930	<p>Il program digl onn 1930:</p> <ol style="list-style-type: none"> 1. Cuorsa da pag pils affons 2. Cuorsa da resistenza 3. Cuorsa libra per mintgin 4. Cuorsa da pag mo pils commembers 5. Slalom - „Lauf“ <p>Signur Vigeli Monn metta a disposizion sia tegia a Milez. Quella daventa in emperneivel liug da sentupada denter ils skiunzs da lieunga tudestga ed indigens.</p>
1931	<p>Il club pren l'iniziativa da fundar ina Uniun sursilvana da skis. La laver preparatorica vegn surdada a signur Walthy, in fervent promotur dil sport da skis e grond amitg da nossa val. Avertura dil niev hotel Cruna. Da gronda muntada pils hospes dalla seczun dalla bassa ed en general pil svilup dil turissem en nossa val.</p>
1932	<p>La Vifzier Furca-Alpsu cursescha per l'emprema gada igl unviern il tschancun denter Sedrun e pass.</p> <p>Da medemamein gronda muntada pil sport da skis ei l'avvertura dil niev hotel Alpu.</p>
1933	<p>Emprema cuorsa da staffettas. Quella ha giu liug ils 12 da fevrer ed ei vegnida partida en tschun scumiadas.</p> <p>Il suandont tschancun ha mintgamai in skiuni giu da percuorer:</p> <ol style="list-style-type: none"> 1. Sedrun – Cavorgia - Sedrun 2. Sedrun - Mulinatsch 3. Mulinatsch - Milez 4. Milez - Dieni 5. Dieni - Sedrun <p><i>La jamna dils 12 als 19 de fevrer ei vegnida fixada sco jamna de sport. Puspei ein roschadas de nos amitgs turitges serendi cun sac e pac en Tujetsch per cheu saver sedivertir sin skis sin nossas pradas e tochen si tier las tegias bandunadas en nossas alps.</i></p> <p><i>La dumengia, ils 12 da fevrer, ha giu liug l'emprema cuorsa de pag, ina cuorsa cun staffettas, dividida en tschun scumiadas, sin ina lingia da circa 22 km ed ina differenza ded 800 meters altezia.</i></p> <p><i>La damaun pareva da vegnir cun in di burriu e scardaliu. Neblas grischas e bargalidas mayan a sesguschond entuorn las costas dils cuolms. In suffel freid termagliava cun levas floccas de neiv che sulanavan plaun plaun la crusta schelada cun ina cozza loma e fing propri adattada per il di de concurrenza.</i></p> <p><i>Immediat suenter messa rimna il president dil club ils 40 concurrents per dar a quels in'orientaziun della cuorsa. Allas duas suentermiezdi entscheiva la fiasta. Roschadas glieud, jasters e dumastiis vegnan neutier per mirar co ils concurrents brahan e sedrovan. Schizun vegls e vegliettas murtiradas pon prender la peina d'ir in tschancunet e mirar quels heroxs. La Societat da musica cun sias producziuns da vaglia ha dau variaziun. Ils da Mustér han gudignau la cuorsa da circa 22 km en 1 ura 30 min e 16 sec.</i></p> <p>Quei onn ha giu liug l'emprema cuorsa per damas, 14 participontas. Schebein era da nossas Tuatschinas ein stadas denter quellas damas ei buca remarcau. En scadin cass han quellas dau curascha allas nossas d'era ughegiar d'ir sin aissas.</p> <p>Igl ir cun skis fuva lu aunc la domena dils umens. Ina femna cun skis en rassa valeva lu pressapauc sco in scandal. Allas buobas veva il sur plevon scumandau d'ir cun skis. Denton ei il decret culs onns vegnius sligiaus. Era las rassas liungas impededevan pulitamein igl exequir endretg quei sport allas mattatschas e femnas. La caultscha ei lu tec a tec vegnida en moda e beingleiti ei tut semidau.</p> <p><i>Turs. Ils 26 da fevrer ha guid-skiunz e president Gion Batetsta Giger menau dus jasters dil hotel dalla Cruna sur Nalps tochen sisum il Ganneretsch (3043 m.s.m.). Igl ei stau l'emprema ga che quei cuolm vegn fatgs temps d'unviern. Ils treis curaschus han duvrau otg uras da far quei tur. Ils 22 da schaner ha giu liug in tur si Cuolm Val, tiel qual in diember da nos commembers han priu part. 16 da mars tur sil péz Borel.</i></p>
1934	<p>Derby spel giuven Rein (Jung – Rhein - Derby). Per l'emprema gada vegn quella ordvart pretensiussa cuorsa menada atras giu dil Tgom naven digl Um crap tochen sut Surrein.</p>

Nies club dumba oz 130 commembers – 78 appartegnan alla subsecziun a Turitg e 52 ein Tuatschins.

- 1935 Il schaner ha il club organisau ina cuorsa pils commembers. L'idea ei buca stada quella d'eruir il meglier ni il pli planori skiunz, mobein da rimnar tuts commembers, era ils maridai, e star da legra cumpignia.
Midada dallas statutas digl onn 1929.
Inauguraziun dalla tegia a Milez. Quella ei vegnida rugalada da Vigeli Monn cun grond agid dalla secziun Turitg che ha mess a disposiziun fetg bia rauba.
Midada da statutas dils artechels 3 e 5.
- 1936 Program da 1935/36: Cuorsa stendida, ils 29 da december 1935
Cuorsa da pag mo per nies club 19 da schaner
Derby spel giuven Rein, 9 da fevrer
Cuorsa da pag pils buobs, 16 da fevrer
Tura sil calmut, 15 da december
Tura silla Mittelplatte, 12 da schaner
Tura sil Pazzola, 15 da fevrer
Tura sil Borel, 12 da mars
- 1937 *Vegn'ins cun la proposiziun ariguard la sera hilarica, manegiond che tala sera duessi esser mo per commembers dil club. – Tier liunga discussiun concluda la radunanza, che mo commembers dil club sappien prender part da quella sera, quei cun aunc ina, duas persunas. – Tier liunga discussiun vegn ins tier l'idea d'aunc far ina sera hilarica il temps da tscheiver. Mo tier quella sera sappien era auters buca commembers dil club prender part cun pagar ina taxa da 50 cts.*
- 1939 Festivitat 25 onns Club da skis Tujetsch e 10 onns secziun Turitg. Ord la scartira da fiasta:
Il Club de skis de Tujetsch, festivescha uonn ensemens cun lur alliai (Ski - Club Tujetsch, secziun della bassa turitgesa) il giubileum da 25 onns de sia existenza.
Cun quella caschun seregurdein nus cun special plascher de nos fundaturs dil club, ils signurs: Lucas Berther, Gion Felici Monn, Hans Decurtins, sco era ils signurs fundaturs della secziun turitgesa: Max Fiedler, Fritz Gloggengiesser, Paul Aeby, August Kolb, Hermann Stäubli ed Ernst Schweizer.
Malgrad tuttas burasclas che han segir buca muncau duront quels onns astga il club selegrar de gronda prosperitat. Il club-mumma Tujetsch less cheu buca tralaschar d'admetter a scadin commember della Bassa de nossa secziun il pli sincer engraziament per la beinvulentscha ch'els han adina demussau viers nus. Surtut menziunein nus cheu il bien ch'els han fatg cun nos buobs de scola e viers ils quals eis han adina demussau aschi gronda simpatia. Nus exprimin cheu il giavisch che nies club possi prosperar vinavon sin quella moda.
Nus selegrein zun fetg sin nies giubileum digl unviern proxim e sperein de saver allegrar sin ina moda ni l'autra nos camerats de leuoragi cun caschun de lur vacanzas a Sedrun.
Spitgond sin numerusa frequenza clamein nus tier gia oz: Viva nies giubileum de 25 onns. Viva nies club, viva il Tujetsch e viva il Veltliner.
Il program da quei onn da giubileum ei staus bravamein gronds:
24.12.38 Tura si Cuolm Val
30.12.38 Tura sil Calmut
08.01.39 Cuorsa liunga e Slalom
14.01.39 Tura si Milez
22.01.39 Cuorsa dil club
04.02.39 Tura sil Péz Badus
- Duront la jamna da giubileum, dils 12-19 da fevrer, ei vegniu menau atras las suandontas occurrentzas:
12. Jung-Rhein-Derby
 - Allas treis arrivada dils Turitges
 - 20.30 Fiasta da giubileum el hotel Alpsu
 13. Di da ruaus
 14. Allas duas cuorsa da pag per tuts commembers
 - La sera allas 20.30 uras sera hilarica el hotel Cruna
 15. Cumin a Milez
 16. Di da ruaus

- 17. Tur communabel
- 18. Cuorsa dils scolars
- 19. Partenza dils Turitges

Plinavon aunc il 25.2. ina tura si Caschlè ed ils 6 da mars sil Borel.

Sco emprem menader da cuorsas vegr Felici Monn eligius.

Dil club vegr giavischau che lur commembers portien buca pli a caschun da fiastas e sin cuorsas la vestgadira dalla moda veglia da Tujetsch. Tals dueien vegr sclus dil club.

Il club dumbra 72 commembers.

- 1940 Calau cun la cuorsa giu dil Tgom, il Derby dil giuven Rein sco quella vegneva numnada. Motiv: ... *pertgei quei seigi ina cuorsa memia pretensiua per ils biars de nos skiunzs.*
- 1941 *Ils 19 da schaner vegr la cuorsa dils commembers dil club tenida giu da Valtgeva a Sedrun. Ils commembers han priu ualts stedi part da quella cuorsa. Il di fixau serimnan ils participonts cun tutta curascha el liug fixau. Era treis giuvnas han priu part dalla cuorsa. L'aura ei emperneivla e neiv detgavunda e tut ei sco pinau per nossa cuorsa. Tuts da buna luna serimnan ins a Valtgeva pinai per prestar in e scadin in bien record. La categoria pintga entscheiva, quei vul dir las giuvnas. Suenter suondan ils vegls da 30 e sura e lu ils giuvens. Mintgin pren en la pli gronda spertadad per arrivar il pli spert el liug final. Il principal ei ira dabot e star bein sin comba. Denton ei quei grev per quel ch'ha che trembla las combas gia ordavon. Tut varga stupent, empau en tgil, empau e seruschnond dretg e seniester arriva tut el port final cul sentiment d'esser ius aunc ualts dabot. Vargada la cuorsa serimnaan ins la sera el Hotel Alpsu per udire leu il resultat e guder aunc ina emperneivla notg ensemen en buna harmonia. Alla curosa separticipeschan per l'emprema gada era giuvnas tuatschinas. Denter las empremas secattan Helena Decurtins ed Anna Berther.*
- Igl emprem «Derby-Crispalt» ha giu liug giu dallas spundas dil Cuolm Val cun tredisch participonts.
- Alla cuorsa d'affons han 96 buobs priu part, 47 pigns e 49 gronds.
- 1942 *Sut varia vegr concludiu da menar atras ina tombola. Plinavon vegr era concludiu da schar sunar la societat da musica Sedrun tier la cuorsa cun indemnisiar ella enzatgei.*
- 1943 Tiarza cuorsa rapida dil Crispalt Derby. *Spert suenter quella lutga rapida ein ils concurrents ed aspectaturs serimmai dador Sedrun/Niregl. Ils concurrents ein gleiti stai sin lur posts per entscheiver la secunda concurrenza dil di. In slalom ch'ei onns buca vegnius menaus atras ei gest aunc sin rucca. Gleiti entscheiva la concurrenza.*
- Igl onn 1943/44 ei vegniu teniu negina radunanza generala. Il motiv ei buca staus quel ch'ins hagi buca giu l'intenziun da dar ina tala, mobein ha ins adina refretg ella d'in di sin l'auter, essend ils umens beinsavens el survetsch militar. Il temps ei lu aspiraus aschispert ch'ins ha manegiua da schar curdar ora quella radunanza pigl onn 1944.*
- 1944 L'emprema staffetta sursilvana ha il Club da skis Mustér organisau. Il club ha tarmess ils megliers sin quella cuorsa ed ils valerus tuatschins han fatg honur a lur club e cuntonschii igl emprem rang.
- 1945 L'organisaziun dalla 2. Staffetta sursilvana surpren il club da skis Tujetsch. Etappas:

1. Sumvitg - Muster
2. Muster - Sedrun
3. Sedrun - Mulinatsch
4. Mulinatsch - Sedrun

L'uiara mundiala ha dau ina retenida anetga al sport da skis en nossa val. Ils hospes da Turitg, pia dalla subsecziun, mauncan per part ed il program che quels menavan atras croda pli u meins. Il club sez cuntinuescha tuttina cun las cuorsas usitadas, la cuorsa dil club, la cuorsa Crispalt-Derby e naturalmein la cuorsa dils mattatschs.

1947 Montau igl emprem runal a Niregl.

La cuorsa dils affons croda per quei onn. Il plevon da s. Vigeli ha buca vuliu che quella vegni organisada ina dumengia.

Sport und Spiel. Crispalt-Abfahrtsrennen. Letzten Sonntag konnte der Skiclub Tavetsch das traditionelle Crispalt-Abfahrtsrennen, zusammen mit einem nachfolgenden Slalom, durchführen. Das schöne Wetter hielt auch über den Sonntag an; die Schneeverhältnisse waren im allgemeinen günstig. So durfte man mit einer guten Tageszeit rechnen, und dies umso mehr, als die ca. 5 km lange Abfahrtsstrecke wenige Hindernisse aufweist. Als

Tagesbester ging Derungs Johann, Ilanz, mit 4.30 Miunten hervor und erhielt so den Wanderbecher.

- 1949 Program: Cuorsa dil club, 2 da fevrer
Crispalt derby, 13 da fevrer
Cuorsa liunga, 20 da fevrer
Cuorsa d'affons, 27 da fevre
Turas: Ina enteifer il fevrer e duas la primavera.
Per dar in tec tempa alla uniun de skiunzs ha la suprastanza arranschau in schinumna «Sie- und-Er-Rennen» il qual ei vegnius construius ord in fetg bien ed in bien skiunz.
Ord il rapport dil president: *La cuorsa dil Derby ei per nus ina fetg schampra. Nus stuein constatar che cun in aschi pign diember da concurrents, ch'il spért per nossa biala cuorsa rapida dil Crispalt tochen a Dieri ina schliata reclama. Perquei metta signur persident la caussa en discussiun. Il meini ei da schar curdar la cuorsa rapida e far in „Riesenslalom“ da Cungieri.*
Sco mintgin sa ein las relaziuns denter il club da Turitg ed il nies ualti tievias e perquei ch'els strusch salidien nus pli, vulein nus era buca sfurzar. Sco vus veseis stat nossa uniun da skiunzs sin in schliet scalem ed ei drova far ina midada fundamentala. Nus duvrein commembers ch'ein activs e buca dormulents. Sco stuein constatar va ei onn per onn anavos. Buca ch'il diember sesminui, mobein il spért da lavur e sacrifici maunca. - Il pign diember da presents vegn cun il meini da schar cursar ina gliesta e mintga commember che vul restar ella uniun da skiunzs sto suittascriver cun agen maun.
1950 Il program da lavur da quei onn secloma:
8.1. Cuorsa dil club
22.1. Slalom gigant giu da Cungieri (emprema ga)
19.2. Cuorsa liunga
26.2. Cuorsa dils buobs
Il club ha danovamein giu la honur d'organisar la Staffetta sursilvana, ils 12 da mars, ed ils Tuatschins ein i cun la plema.
Novas statutas vegnan approbadas e van en vigur culs 7 da matg 1950..
Il club dumbra 79 commemebrs 89 commembbras) e 5 commembers d'honur.
Per il runal dil Calmut segna il club ina aczia ella valeta da 250.- frs.
1951 Emprem runal sil Pass Alpu.
Ils 30 da zercladur. Cun ditg spitgar e far politica e suenter liunga discussiun e bials e buns meinis, essan vegni tier tala sligiazun, da buca tener giu la radunanza generala fixada. Havein saviu spetgar adumbatten e la finala havevan rabbitschau ensemens endisch commembers. En quei era priu en la suprastanza e commembers d'honur. Quei muossa pintga buna veglia.
1952 Il club dumbra 70 commembers indigens e 56 commembers dalla secziun «Unterland».
Program da lavur: Slalom Cungieri, ils 13 da schaner, muort munconza da neiv vegn quel tenius giu a Cuolm Val.
Cuorsa dil club e sera hilarica, ils 3 da fevrer
Cuorsa dils buobs, ils 17 da fevrer
Cuorsa liunga, ils 24 da fevrer
Essend l'aura fetg schliata ei nossa fiasta d'uaul ida dall'aua ora. Suenteriezdi ei la suprastanza vegnida ensemens el hotel Alpu. Suenter ina liunga paterlada havein nus concludiu da menar atras ina tombola cun tut ils permis ch'eran rimani per la fiasta d'uaul. Ils premis ein vegni reparti el Hotel Alpu la sera dils 14 da settember. Igl ei stau ina sera plein fiug e legria cungida cun giugs e sault.
La cuorsa rapida ei danovamein vegnida sin program suenter entgins onns.
1953 *Muort munconza da neiv han ins concludiu da schar sura alla suprastanza cura far las cuorsas. La cuorsa dils buobs vegn buca tenida per in onn. Ils buobs gronds ein buca sedepurtai endretg tier la davosa cuorsa e per castitg laian ins naven ella per in onn.*
1955 Delegaziun da quater skiunzs dil club da skis al Campionadi svizzer a Ste. Croix per la staffetta e la cuorsa liunga.
1956 Fiasta d'uaul
La 15avla Staffetta sursilvana ha liug a Sedrun.
Avertura dalla sutgera Cungieri.

- 1957 *Igl onn 1957 ei stau in onn de pauca neiv, e tut che spitgava vess sin la neiv, mo la finala eis ei dau in tec neiv, mo buca biara, aber ins ei aunc vegni da menar atras debia. La cuorsa dil club ei veginida arranschada uonn en gruppas, ed igl ei stau fetg legher, tut che treva suenter las combas quei che ei pudevan, per gie veginir en l'emprema grappa, e cun quei ei stau finiu las cuorsas e vivi il club de skis.*
Sut varia ei vegniu discussionau bia e dau bein enqual scarp, mo la finala eis ei vegnu tier negin resultat.
- 1958 Emprema cuorsa cumbinada: cuorsa rapida, slalom gigant e slalom cul num «Cumbinaziun da Sedrun».
Ussa eis ei finiu cun il sport da skis. Uonn ei stau in bien onn. Havein giu flotta bialaura da far las cuorsas e fetg bunas pistas – vivi pia vinavon nies club da skis!
- 1959 21 e 22 da fevrer, Cuorsa alpina cumbinada a Suolm Val
 18 da schaner, cuorsa diol club
 Concluiu da fundar ina grappa da cuorsas.
 Erecziun ed avertura dil runal sil Pass Alpu.
- 1960 Il program da quei onn:
 Cuorsa d'affons
 Cuorsa dil club
 Cuorsa cumbinada
 Ils skiunzs da cuorsas ein vegni parti en duas gruppas. La megliera duei exister mo ord buns skiunzs e l'autra ei per trer suenter tuts buns skiunzs che muossan ideal pil club e sport da skis. Il meini ei da schar ira quels giuvens sin cuorsas. Nuot seigi pli bi pil club e nossa val che da schar far quels giuvens empaui carriera. *Scadin cass ha quella grappa da cuorsas dau fetg bia da discussiunare.* Quei remarca era il protocollist.
- 1961 *Tras tscharna vegn mess a disposiziun ina summa pauschala da 500 frs. per nossa grappa da concurrenza, sura summa astga buca veginir survargada. Sco protectur da tala grappa vegn dr. Hans Schmid, Cavorgia, eligius, il qual survigilescha era la part finanziaria. En la grappa digl unviern 1961/62 ein tschun seniors e quater juniors.*
- 1962 Avertura dils runals Dieni - Milez - Cuolm Val.
 Rapport. *Il president dat in cuort sclariment dalla cuorsa rapida cumbinada ch'ei veginida menada atras cun bien success. El remarca ch'ils commembers astgassien mussar pli bia bunaveglia cu ei seigi ina cuorsa che drovi mintgaga ina massa glieud. Era cheu dueien ei mussar bunaveglia e buca mo la sera hilarica cu ei seigi da magliar il „schüblig“.*
- 1963 *Per far empaui cassa e che nossa industria da jasters hagi era enzatgei vegn ei menau atras ils 26.12.1963 in slalom da notg.*
 Il club promova ils affons el sport da skis. L'organisaziun da giuvenils vegn fundada ed ils affons survegnan l'emprema scolaziun d'ir cun skis.
 Campiunadi sursilvan per buobs e buobas a Milez.
- 1964 Campiunadi alpin-sursilvan a Sedrun, 12 da schaner.
 Giubileum 50 onns.
 La fiasta da giubileum ha giu liug ils 30 da mars 1964.
 Program:
 1. Avertura entras la Societad da musica
 2. Salid e beinvegni
 3. Producziuns dils tamburs
 4. Undraziun dils fundaturs e commembers d'honor
 5. Undraziun dils anteriurs presidents
 6. Plaid final
 7. Divertiment e sault
- Las davosas radunonzas ha la cuorsa d'affons dau bia da discussionar. Ils permis als affons mudregien memia zun la cassa dil club ed ils affons gnanc seigien engrazieivels. Ei vegn proponiu da dar mo als diesch megliers ina medaglia. La cuorsa vegn menada atras e la caussa premis vegn surschada alla suprastanza.
 El decuors da tschunconta onns han las elecziuns adina puspei caschunau fastedis. Buca adina eis ei stau lev d'anflar glieud per star davontier. En quei senn plaida era la remarca el protocol:
Damai che l'entira suprastanza ei empaui sturnida d'aunc stuer trer dus onns per las hottas siara signur president la radunanza.

- 1965 Sco emprema cuorsa pli gronda vegn organisau quei onn il 42avel Campiunadi grischun da cuorsa liunga e staffetta, ils 23/34 da schaner. *Sonda e dumengia vargada ein ils skiunz serimnai a Sedrun per il Campiunadi grischun nordic. L'uniu da skiunz Tujetsch ha organisau la cuorsa en tuts detagls per gronda cumententscha da concurrents ed aspectaturs. S. Pierer ha lu aunc giu tut aparti buna luna e rasau sur la biala Val Tujetsch in tschiel bi blau cun clar sulegl.*
 A caschun da quella cuorsa ha Tujetsch organisau ina conferenza da pressa per empruar da promover l'industria da jasters en nossa val.
- 1966 Plascheivel success han treis buobs tuatschins giu sin la cuorsa d'affons sursilvana. Dus da quels han schizun giu la pusseivladad da separticipar allas cuorsas svizras per affons cun bien success. Dalla grappa da cuorsas prendan quater part ad ina cuorsa pli gronda a Schönried e cuntionschan leu il tierz meglie rang svizzer.
 Midada dils artechels 3 e 25 dallas statutas che regalescha la pussseivladad che tuts commembers seigien elegibels per in uffeci ni l'auter.
- 1967 Midada dil num dil Club da skis Tujetsch. La radunanza generala dils 11 da november decida la midada ed il num secloma da lu naven:
Club da skis Sedrun/Tujetsch
 Il club dumbra 129 commembers e commembres. Midada digl artechel 13b.
 Per la grappa da campiunadi vegn creau statutas. Dacheu naven ha la grappa 1000 frs. dabien pils cuosts.
- 1968 Las cuorsas da quei onn ein: Slalom gigantic, ils 7 da schaner; Cumbinaziun Milez Cuolm Val, ils 20 e 21 da schaner: cuorsa dil club, ils 3 da mars; cuorsa d'affons, ils 10 da mars; seras da lotto, a Sedrun, ils 15 da fevrer ed a Rueras ils 22 da fevrer.
- 1969 Extrai dalla Uniun Sursilvana da skis.
 Campiunadi grischun alpin
- 1970 Las suandontas cuorsas crodan sigl unviern:
 Cuorsa dil club cun 41 participont
 Cuorsa d'affons cun 168 affons
 La grappa da cuorsas ei in tema permamnet dapi entgins onns. Commembers da quella vegnan schizun exclusa dalla grappa. Aschia er quei onn las remarcas: *Cun la grappa da cuorsas eis ei puspei stau buca tut. Il president appelescha a tuts concurrents da seprender ensemen e da luvrar in cun l'auter.*
- 1971 48avel Campiunadi grischun nordic.
 Midada da statutas dils artechels: 1, 4, 8, 9, 11, 13b, 13d, 13g, 15, 28 e 32.
- 1972 22/23 da schaner cuorsa d'eliminaziun dil BSV. ??????
- 1973 Danieb 1973, cuorsa da qualificaziun BSV.
 ils 7 da schaner cuorsa dils affons.
 Ils 13 ni 14 cuorsa dil club cun sera hilarica.
 Midadas dils artechels dallas statutas 14 e 22.
Ei vegn votau giu da sustener la OG e da pagar la grappa da cuorsas sch'ella exercitescha seriusamein. OG e grappa ston exercitar ensemen. Avon las cuorsas da ill cau da cuorsas alla suprastanza giu in rapport. Silsuenter decida il cau da cuorsas cun la suprastanza, tenor la participaziun da trenament da gimnastica. Ei il resultat buca sufficients vegn ei pagau nuot e mintgin va sin siu agen quen.
- 1974 Emprema concurrenza da cuorsa liunga «La Tuatschina».
 La cuorsa dils affons vegn per l'emprema gada menada atras en fuorma d'ina cumbinaziun pils scolars e scolaras dalla 4. classa ensi a Milez. Ils pigns, sco pli baul, han lur cuorsa a Valtgeva.
 A caschun dalla sera hilarica vegn festivau il giubileum da 60 onns. Medaglia 60 onns club.
- 1975 Homologaziun dallas pistas a Cuolm Val - Milez - Dieni. Emprem slalom parallel a Dieni.
- 1976 Campiunadi svizzer da Clubs en slalom ils 20/ 21 da mars.
- 1977 Il club eregia ensemen cun l'Uniun sportiva da Rueras in Parcuors-VITA a Rueras/Uaul Surrein.
- 1978 Cuorsas digl «Interbancario».
 Emprema cuorsa internaziunala FIS en slalom gigant per umens a Milez.
- 1979 Emprema cuorsa populara en slalom gigant a Milez.
- 1980 Midada da statutas.
 57. Campiunadi grischun nordic, ils 12 e 13 da schaner.

La fin dalla jamna vargada ha il Club da skis Sedrun-Tujetsch organisau per la tiarza ga suenter 1965 e 1971 il Campiunadi grischun nordic. Quel ei daventaus in cumplein success, ton quei che pertucca l'organisaziun, la preparaziun dalla percuorsa, las relaziuns atmosfericas e da neiv sco era las prestaziuns dils curriders.

Slalom Parallel a Surrein, sogn Stiafen 1980, 80 participonts

1981	Cuorsa populara la Tuatschina, ils 15 da fevrer Cuorsa dils affons, ils 7 e 14 da mars Cuorsa dil club e cuors politica cun sera hilarica, ils 21 da mars
1982	Slalom parallel a Surrein, Sogn Stiafen 9avla Cuorsa populara la Tuatschina, ils 14 da fevrer Cuorsa d'affons a Valtgeva e Milez, ils 6 e 7 da mars Cuorsa politica e dil club cun sera hilarica, ils 20 da mars
1983	Slalom parallel a Surrein, Sogn Stiafen, cun 57 participonts La Tuatschina, ils 13 da fevrer, 143 curriders 10avla cuorsa d'affons, ils 5 e 6 da mars. A Valtgeva han 85 affons priu parta ed a Milez medemamein 85 affons. Cuorsa dil club, ils 19 da mars cunina participaziun da 128 commemberas e commembers dil club. Dalla cuorsa politica han mo 9 dels priu part. Il medem di ha sco usitau giu liug la sera la part hilarica.
1984	Slalom parallel a Surrein, il da da Sogn Stiafen cun 75 participonts. «La Rezia», cuorsa liunga da Mustér a Sedrun, ils 15 da schaner cun 157 participonts.. <i>Ils 15 da schaner ha l'emprema cuorsa liunga «La Rezia» ensemencun il club Rezia e l'Uniu da cura e traffic saviu vegnir menada atras. Las relaziuns da neiv ein muort pauca neiv e per part fetg schelada neiv buca ual stadas favoreivlas, denton ha la cuorsa grazia alla gronda lavur prestada avon saviu vegnir fatga e quei cun 157 participonts. Ina cuorsa interessanta e d'in ault nivo sportiv.</i> Muort prighel da lavinas ha la cuorsa La Tuatschina stuiu vegnir stuschada dils 12 da fevrer sin ils 4 da mars. Giez di han 124 participonts priu part alla cuorsa. 11avla cuorsa d'affons cun 185 affons ei succediada a Valetgeav e Milez ils 10 ed 11 da mars. 143 personas han priu part alla cuorsa dil club ils 18 da mars. La sera ha giu liug la part hilarica cun la rangaziun dalla cuorsa.
1985	2a Cuorsa liunga „Rezia“ ils 6 da schaner cun 86 curriders. Igl ei stau in di d'enorma ferdaglia, cun minus 20 grads, aschia che la participaziun ei stada empau pli mudesta. La Tuatschina e vegnida menada atras ils 10 da fevrer cun 130 curriders. Gronda festivitat: 100 onns sport da skis cun differentas cuorsas ed acziuns specialas. <i>Tier quei arranschament han buca meins che 350 affons ni carschi giu la pusseivladad da semiserar cun Marie-Theres Nadig. Cun bia fantasia e carezia han differentas gruppas costumadas divertiu in vast publicum e mussau sias habilitads pli curiosas sin pista.</i> Las cuorsas pils affons indigens han giu liug ils 2 e 3 da mars cun 85 pignets a Valtegva e 99 gronds a Milez. Per la secunda gada ha il club organsiau il slalom gigant dalla organisaziun da giuvenils a Milez, 133 participonts.
1986	Igl usitau slalon parallel ha muort munconza da neiv buca saviu vegnir menaus atras. La 13avala Tuatschina, ils 23 da fevrer, ei stada accumpiganda da disclelg. Muort la schliat'aura ein mo 84 curriders stai alla partenza. Ils 1 e 2 da mars ein 159 affons separticipai alla usitada cuorsa. La cuorsa plotica e dil club cun la sera hilarica, tenida per quella gada el Hotel Soliva, han giu liug ils 15 da mars. Slalom regiunal per la OG a Surrein, ils 23 da mars cun 119 participonts.
1987	Cup Milez, ils 17 da schaner, concurrenza da tempra divertenta per famiglias e gruppas. Emprem Maraton sursilvan cul final a Sedrun, ils 25 da schaner, sut il patronat dallas uniuns da cura e traffic da Mustér e Sedrun. Ils organisaturs ein stai ils clubs da skis da Mustér e Sedrun. Ils clubs da Surrein e Trun ein segidai. L'emprema cuorsa ha giu liug da bellezia aura, cun bunas cundiziuns e plein lauds davart ils participonts. Il diember ei staus 220. La Tuaschina vala sco pli veglia cuorsa liunga ella regiun. Ils 15 da fevrer ha giu liug la 14avla edizion cun 90 participonts. Las cuorsas d'affons han carmalau ils 7 ed 8 da mars 191 affons alla partenza.

Cun in niev record da participaziun, 145 commembras ni commembers, sa la cuorsa dil club veginr menada atras ils 14 da mars. Dudisch politiches indigens han priu peda per la cuorsa politica. En sala da gimnastica ha giu liug l'usitada sera familiara che seigi „*gartegiada exemplaricamein*“.

Slalom regiunal dalla OG, ils 22 da mars, a Dieni cun 110 participonts.

1888 II. Cup Milez, menaus atras cun bunas relaziuns da neiv, culla participaziun da 30 gruppas ni famiglias ad ina concurrenza en fuorma da triatlon.

Ils secund Maraton Sursilvan ha buca saviu veginr realisasu muort munconza da neiv,
Cuorsa dils affons, ils 27 e 28 da fevrer.

Cuorsa dil club, ils 19 da mars.

1989 Giubileum 75 onns Club da skis.

Program digl onn giubilar:

Cup Milez, ils 14 da schaner

Cuorsas d'affons, ils 4 e 5 da mars, cun in suentermiezdi da recreaziun.

Cuorsa dil club e sera hilarica, ils 18 da mars

La Tuatschina, per la 16avala gada, ils 12 da fever cun 167 curriders.

Cuorsa finala dalla OG sil Pass Alpu, ils 8 d'avrel

Ils 14 da zercaldur ha la staffetta dalla pascha percuors la val ed il club da skis ha giu la honur da d'ampleir quei uffeci ensemes cun las sscolas.

Fiasta populara «75 onns Club da skis», ils 14, 15 e 16 da fenadur

Reminiscenzas

da Franzestg Berther, Rueras

Il carstgaun ei veramein in empau remarcabel individi. Cu el ei giuvens, tscherca el aschiprest sco el sa decider sez da disponer, da saver adina pli e pli bia e tscherca da ton pli spert vegrir carschius e vegls. Per aschia da dir spert vegrir madirs. E con spert vargan ils onns d'affonza e giuentetgna e vonzei ein ins sur il zenith, vul dir sur igl ault dalla veta ora.

Eis el denton pli vegls mira el beinsavens anavos, contemplescha il vargau e vesa quel beinduras tut auter che quei ch'el ha viviu ils fatgs cu els ein succedi.

Patratgs empau aschia ein i a mi atras il tgau, cu ins ha surdau a mi l'incarica da scriver in per reminiscenzas sur dil fatg, co jeu hagi sco scolar, sco giuvens e sco commember dil Club da skis en regurdientscha, il seformar e la naschientscha, il crescher en quels 75 onns e las differentas situaziuns, aschiditg sco sundel staus commember da quel.

Mia emprema gada che hai viu ad ira cun skis, fuvel jeu circa otg onns vegls. Quei era stau ina dumengia viaden egl unviern 1915. Cheu ina dumengia suentermiezdi vegrin ina da mias soras sin esch stiva e cloma: «Vegni o e mirai cu i von cun skis!» Quella ha nuota stuiu dir duas gadas. Tut tgi che ha giu combas ei sbrigaus tras igl esch stiva e viadora sin ina lautga. Tuts fuvan supri da veser co umens savevan sesluitar sur la neiv senza sfundrar tochen funs. E lu cun tgei tempo. Tgei sburflada la neiv da puorla fageva cu ils skiunz fagevan il schinumna «Telemark», vul dir ina storscha. E tgi fuvan quels che dominavan quellas aissas sin la neiv. Per nus fuva cheu igl emprem nies aug Luis ed aug Leci, dus frars da mia mumma, il Luis Hendry e Leci, numnai il Luis calger, ed il Leci calger. Lu il Gion Felici Monn, il Giachen Fidel Berther, scolast, e propri il menader da quei sport fuva il Lucas dalla Cruna. Gie, vevan nus priu quels entochen ussa sco normals mortals, quei di ein els veramein carschi en nos egls tier umens da vaglia e heroxs. Dis en e dis ora il sulet discours e raschieni denter nus buobs da scola. O beada affonza ...

La secunda scuntrada ei stau il medem unviern, cu gl'ei vegniu instradau l'emprema cuorsa da skis per ils buobs. Tgei cunfar e tgei tschaffen. Secapescha cheu deva ei lu nuota da star naven. Vevan nus tochen lu fatg beinenqual exercezi, era jeu, mo cun dubas da buots, quei di vevan nus tuts skis. Era sch'ei era beinduras in pli liung ed in pli cuort, ni che in mirava fetg suenter il plaun vi e l'auter sturschius sco in tgiern camutsch. Tgi che veva veta e mava zaco fageva la cuorsa e basta.

Partenza, tuts enina. Tgei muschnas da tgaubrochels quei ha dau lezza gada leu sut la casa dils Gislars dadens il clavau pervenda da Dulezi. E tgei fuola! Viadenagiu sut la muschna da Mira; anen e lu ensi dado la casa dil Giachen Giusep Deflorin (plitard da Leci Deflorin) si atras la via cantunala. E quei smaledet stradun dil fuortg. Quel havein nus tuts giu da schuffa da surmuntar. Lu si ella lingia dalla viafier viadora tochen o Pitgmun e giu ils Alis dador ils caschners. Quei ei stau la ruta. Per cletg cursava da quei temps aunc negin tren. Autruisa vess ins per duas uras nuota astgau schar cursar ils trens. Ina da quellas roschadas buobs sco lezza gada hai mia veta mai viu pli en Tujetsch sin ina cuorsa. Suenter ei vegniu fatg la rangaziun. Tgi fuss staus ils emprems sai jeu buca pli. Mo ton sai jeu da dir. Igl emprem davos sundel jeu staus, ed il pir era stau che miu vischin, il Leci Giger era gest aunc staus avon che jeu e fuva lu aunc in onn pli giuvens. E lezza gada ei la scuidonza sereghigliada per l'emprema gada en mia veta. Ussa en mes vegls dis eis ei per mei ina reminiscenza da mia affonza che fa a mi plascher.

Quellas cuorsas ein en ils onns che sun ius a scola adina puspei vegridas menadas atras, ed enzatgi crei jeu, ha aunc savens fatg empau padrin per saver porscher a mintga participont in pign regal. E quel dev'ei adina. Cheu less jeu en paucas lingias sereghigliada cun engraziamenti da tuts quels che han giu l'iniziativa, buca mo da far enzatgei per la giuentetgna tuatschina, mobein era per menar en in sport per ina sanadeivla recreazion, seigi quei stau per il sport ni per la cumpignia. Sch'ins legia che Gion Felici Monn ha fatg dudisch onns igl uffeci d'actuar, il Lucas dalla Cruna onns ora president e promotur. Biars ein cun miserablas finanzas adina puspei s'engaschai egl uffeci da cassier. Senza stravagar san ins far valer che gest il club da skis ei staus l'emprema emprova, per aschia da dir igl emprem scalem per il sport d'unviern en Tujetsch.

A mi para ei che quels piuniers che han fatg breigias pli baul en quels graus vegrin beinduras tier fiastas e giubileums strusch menziunai, schegie che gest els han stuiu entscheiver cun nuot e fussen merets da renconuschientscha ed engraziamenti.

La tiarza sentupada cun il club da skis hai jeu giu per viaden els onns trenta. Diesch onns da mia veta hai adina passentau egl jester e per igl onn 1932 returnaus en mia patria. Gia igl emprem onn hai cumprau in pér skis vegls e sun immediat staus in fervent skiunz, denton miu plascher fuvan buca las concurrenzas, mobein ir els cuolms. Quei ei stau ils onns che Lucas dalla Cruna veva gia engaschau

Gustav Walthy per la scola da skis Sedrun. Sco scolasts da skis funcziunavan Walthy, sia dunna e schizun sia feglia, e lu glieud da Tujetsch: Felici Monn, giuven, e Gion Battesta Giger da Selva. Era s'engaschava Luis Hendry, giuven, fetg e segidava nus ch'el saveva. Savens fagevel jeu tut persuls turas cun skis per alps e pitgognas. Cun caschun ch'erel staus sin ina tura sisum la Val Mila, ein Battesta Giger e Gustav Walthy, che ascendevan cun ina grappa igl ault denter Plaun Grond e Mittelplatte, sentupai cun mei ed els han envidau en mei da far part dil club da skis. Quei hai jeu fatg mo plitost pervia dalla cumpignia, che pervia dil sport; pertgei in bien skiunz erel jeu buca e sun era buca vegnius. Denton per mei ei il far part dil club da skis Tujetsch stau l'entschatta da biaras e bialas uras en cumpignia e siadora en la natira.

Il far part cun la secziun «Unterland», tratga si entras il hotelier Lucas Berther, ei stada cun pintgas excepziuns biars onns cordiala e vicendeivla, ed ha motivau beinenqual da nus Tuatschins da sedar giu cun nos hospes da sutensi. Onns ed onns ein ils medems hospes cuntuadamein vegni en nossa biala Val Tujetsch. Ils hospes da Turitg e sutsi vevan, perfin anflau in slogan e salidavan nus enconuschents cun in leger «Tujetsch OHO». Bein savens fuv'eis mo paucs, pertgei daners e fadigia eran lu scarts. Enzatgei che documentescha quei, ei il fatg che in correspondent, probabel Sep Mudest Nay, ha scret in commentar en la «Gasetta Romontscha» in da lezs onns: Presents seigien stai quasi gl'entir pievel da Tujetsch per admirar la cuorsa da skis dils affons da Tujetsch e lu tut ils hospes d'unviern da Sedrun, pertgei ch'ei vevi mo in.

Beinspert suenter mia entrada el club da skis han ins incaricau mei sco schef da turas. Gl'emprem che hai lu fatg ei stau che sundel ius tier il Thomas satler e cumprau in pér skis da hikcory e dus festi sco la glieud. Skis 30. - francs e la festa 8. - francs. Per da gliez temps ina expensa enorma. Gie quei fuvan auters temps. Pials da skis hai giu l'emprema gada il fevrer 1933, per cumpensaziun per in tur il di da s. Silvester 1933 sin il Péz Giuv. Ils auters treis vevan pials, jeu neginas. Quella ascensiun ha lezza gada bunamein ventschiu ora mei e suenter otg dis hai retschiert sco regal in pér pials resch novas.

Ussa aunc enzatgei sur dalla organisaziun da turas. Quei era empau ina beinsavens difficile lavur. Magari sesevan ins ina sera ora ensemen e patarlava, era leghers e seraschunavan, e lu planisav'ins cun in entusiasset nundetg ina tura. Fixava di ed uras, per ordinari las nov ni las nov e trenta. Mo beinsavens vegnevan mo la pli pintga part ad uras ni negin dil tut. Vegneva negin ni paucs stuevel s'arranschar ni mavel a casa. Per paucs, e paucs fuv'eis savens, vegnev'eis las uras fixadas priu la via sut ils peis. Nossa devisa e giavisch fuva guder la bellezia unviernala da nossa val e nos cuolms.

Cul temps fuvan nus denton sevivi en stupent in cun l'auter. Inagada fuvan nus ascendi il Péz Ruinatsch si Nual. Endisch participonts, la pli part megliers skiunz che quei che jeu erel. Baul igl unviern era ei stau vegniu giu ina lavina tochen Rein e fatg in hazer vadretg ell'aua da Nual. Nus essan vegni giu da Nual e sur il vadretg neu a Carmihut. In um da Selva ha dumandau sche nus seigien stuorns da semetter en prighel da veta sin quella moda. La sera essan sesi ensemen el hotel Alpsu a Sedrun. Nus dalla tura fuvan en sala. Cheu vegn Max Fiedler dad esch en cun il clom: „Wie isches gsi?“ August Kolb che fuva era staus cun nus ha exclamau plein entusiasset: «Sidi Barani!» (Gest avon veva la battaglia encounter Rommel giu liug ell'Africa.) Gie quei August Kolb era in carstgaun adina da buna luna e mai da vegnir suren.

Resumau sai jeu en mia vegliadetgna dir cun raschun e cuntentientscha ch'il contact en l'uniun da skiunz Tujetsch ei en tut priu staus in cordial ed emperneivel. Cun ils nos e cun ils hospes. Ei descha buca da numnar els jasters. Personalitads per propri. Els han giu merets per il sport e svilup d'unviern; cunzun Gustav Walthy, ils dus Hans e David Zogg, Lorenz Sutter ed era Pacholski, che sco ei vegneva detg, vess el giu num Pach, e plitost siu pseudonim era Pach – hol – ski. Cun el fuss ei il sulet che ins sa vess risdar da differenzas da meini e quei mo per piculezzas.

E dils nos ils gia allegai. Lu quasi mintga scolast da Tujetsch, ils scolasts da skis Battesta Giger, Felici Monn junior, Alfred Decurtins e Teofil Schmid da Zarcuns. E nos emprems campiuns, in Luis Hendry junior, in Nicolaus Albin, Augustin Riedi, in Baseli Schmid, Toni Berther, Alfred Decurtins e Tumaisch Berther. Ils treis davos numnai ein stai ils emprems treis ch'ein sefatschentai cun in project da runals a Tujetsch.

Quei ei in cuort maletg co in vegliander seregorda dad ina instituziun che ha gidau a baghegiar si il baghetg dil sport d'unviern en nossa vischnaunca, senza agid dalla publicidad. Mo in per tratgs co jeu hai viu e gudiu il svilup da quell'uniun. Ed a tgi hai jeu scret. A tuts quels che han planisau e luvrau. Ils biars han ascendiu il cuolm perpeten. A tuts la pasch dil Segner e buna memoria.

Secziun «Unterland», Turitg

Dapi igl onn 1910 arrivavan regularmein hospes dalla Bassa en nossa biala val per passentar lur vacanzas d'unviern ed emprender d'ir cun skis. Igl onn 1926 vegn igl emprem jester prius si el club da skis Tujetsch, numnadamein signur August Kolb, in fervent skiunz ed amitg dils cuolms.

Ils proxims onns entran el club aunc ulteriurs hospes dalla bassa. Aschia: Ernst Schweizer, Julius Hädrich, Max Fiedler, Hermann Stäubli, Werner Christen, Frieda Christen ed Alfred Weber.

Il settember dils anno 1928 ha giu liug l'inauguraziun dalla camona alpina da Cavardiras. Plirs da nos commembers han priu part da quella fiastetta. Denter quels era ina gruppa da hospes turitges che visitavan la val gia dapi in tschuppel onns.

Returnai dalla inauguraziun ed impressiunai dalla bellezia cuntrada muntagnarda vegn sesiu ensem e fundau ina sutsecziun dil club da skis Tujetsch, la secziun Turitg. Signur Max Fiedler ei il grond iniziant ed el sa palesar d'in grond diember d'interessents da daventat commembers da quella nova secziun «Unterland», sco ella vegneva era numnada. Ils statuts ein ils medems per omisdus clubs e l'emprema suprastonza secumpona dils signurs:

Max Fiedler, president
F.Gloggengiesser, vicepresident
H. Stäubli, actuar
Lucas Berther, cassier

La secziun Turitg porta scochemai novas ideas en nossa val. Quels novs impuls fan bein al giuven club. Communablamein vegn organisau cuorsas. Da pli gronda impurtonza ei denton la jamna da sport organisada entras la secziun, giavina ella gie in marighel hospes da vacanzas en la biala Val Tujetsch. In zun legreivel svilup pren sia entschatta e porta empau variazion el dafar monoton da mintga di. Quei fa bein a nossa glieud ch'era pil pli disada mo da luvrar e barhar.

Ils commembers dalla secziun fuvan lu ils pli fideivels hospes dalla val. Prest ein ils contacts cun la populaziun indigena daventai amicabels. Grond plascher dils jasters da leugiu havevan ils affons — ils buobs. Quels han onns ora finanziau ils premis per las cuorsas dils mattatschs. Aschia vegnevan els titulai sco ils buns augs e las bunas ondas.

Max Fiedler, igl emprem menader dalla secziun, fuva in um versau e da vasta vesida. A caschun dalla radunanza dils 14 da fevrer 1930 porta el avon als commembers dil club da Tujetsch las suandontas ideas:

Signur Max Fiedler, president della secziun Unterland, ha oz il puppen plein. El ha in pulit program avon el, denton in program che purtass prosperitat a nies club, sch'el vegness realisaus. Signur Fiedler ha ussa il plaid festiv. Introducend plaida el dalla subsecziun naschida e seconstituída avon dus onns a Turitg e co quella seigi era in bien sustegn de nies club. Propi quei ch'el vul ei enzatgei tut auter: La Val Maighels porscha gleiti ils pli interessants turs. Denton eis ella memia allontanada. Ins sa buca senezegiar de quei territori senza buca baghegiar leuen ina tegia. Pia gl'emprem giavisch füss quei, de schar baghegiar ina tegia en Val Maighels cun in pulit arranschament de cuschinari ed era de star sur notg.

Secund giavisch: de era metter neu a Milez ina tegia pils skiturs dil club. Cheu setractassi ei plitost mo ded ina stiva per setener si duront il di, principalmein sch'in u l'auter vegness surprius dalla cufla — pia ina stiva cun ina pegna e dasperas de saver cuschinari.

Tierz giavisch: Empruar de rabbitschar tras che la viafier cursass duront la sesiun d'unviern da Sedrun sin l'Alpsu, silmeins inaga a di. E zuar füssi quei gl'emprem pass ch'ins duessi far. Florentin Cavegn mettess a disposiziun plaz ed uorden per ils skiturs en siu restaurant si l'Alpsu: Sin tala moda savess ins spargnar la tegia a Maighels.

Negin giavisch, plitost in patratg ha signur Fiedler aunc: d'ereger ina «Sprungschanze». In liug qualificau per quei intent füssi Surrein, denton seigi ina tala ovra cumbinada cun immens cuosts. Las ideas de signur Fiedler ein curdadas sin bien terren. Ins ei della ferma perschuasiun d'en cuort temps saver far enzatgei en caussa cun agid della viafier della Furca, dell'Uniun de traffic ed il davos forsa aunc della vischancia....

Era ils commembers della secziun Unterland ein prompts d'esser gideivels, nua ch'els san e pon a fin che quella caussa vegni realisada. Per conclusiun segirescha signur Fiedler che nus dueien tuttavia buca haver sterment che Tujetsch vegni sco Arosa ni S. Murezi. Els vegnien buca a prender si in e scadin el club. Quel che vegli seunir cun els, stoppi haver vera simpatia per Tujetsch, sesentir cheu sco de casa e surtut respectar la sempladad ed ils usits vegls de nossa glieud.

Ils giavischs e las stupentas ideas vegnan ad haver fatg buca mal impressiun sils commembers il club. In dils giavischs da signur Fiedler ei beingleiti ius en vigur. Gia il december dil medem onn metta signur

Vigeli Monn a disposiziun sia tegia a Milez. Quella daventa per in tschuppel onns in appreziu ed interessant liug da sentupada per jasters e dumiastis. Beinenqual legra cumpignia ei stada da legher sper ina buna marenda e gudiu da leu anora la magnifica survesta sur la bellezia Val Tujetsch.

Plinavon plaida il protocol dalla secziun bassa il suandont davart la tegia a Milez:

August Kolb ha plidau cun signur Vigeli Monn. El ei prompts da baghegiar ora empau da niev la tegia si Milez sper Rueras. Aschia sa tala vegnir duvrada sco ustria. Indrezs intern e la cumpra da vischala surpren il club. Seduta da suprastonza sils 16 d'october 1935: La laver vid la tegia a Milez ei finida sils 20 d'october. Inauguraziun e benedicziun ils 27 d'october 1935.

Dapi 1930 vegn la tegia menada digl ustier Vigeli Monn e sco davosa ed exclusiva novaziun vegn installau in telefon cun la nr. 13. 1942 pren la secziun si a tscheins la tegia per 80. - francs igl onn.

In sguard el program digl unviern 1934/35 muossa la gronda activitatad dil club ensemes cun la secziun bassa:

Igl onn 1938 dat ei caschun da far fiasta: 10 onns secziun bassa e 25 onns dil club-mumma Tujetsch. Max Fiedler, igl iniziant, pren la caschun da dar ina egliada el vargau e schar repassar quels diesch onns en ina revista:

Ei fuva il fevrer 1925. L'emprema gada sun jeu arrivaus en Tujetsch sin mias aissettas, lura aunc ina vallada ruasseivla e bunamein ord il mund. Las duas semplas ustrias Cruna ed Alpsu devan la pusseivladad da durmir mo a fetg paucs skiunzs. La cuminanza dils hosps fuva semeglionta ad ina pli gronda famiglia. La mo pintga gruppa dil club da skis cumpigliava mo paucs commembers che vegnevan instrui da Lucas e Cristian Berther. Sper quels dus che havevan fatg la scola da scolast da skis e mussavan d'exequir quei bi sport, fuva aunc sulettamein Gion Battesta Giger gideivels sco scolast. 1926/27 fuva la gruppa da skiunzs aunc adina fetg pintga. Denton la primavera 1928 ughegein nus il pass grond e fundein la secziun «Unterland». La finamira ei da sustener il club-mumma, da returnar puspei ella Uniun svizra da skis e da documentar in cert ligiom denter la bassa e muntonga.

Aschia ei tut iu bein vinavon. El decuors da diesch onns ein la secziun bassa ed era il club da skis Tujetsch sesviluppai prospereivlamein, ed era Sedrun porscha oz tut in auter maletg. Enstagl dallas duas semplas ustrias da pli baul sepresentan oz dus bials hotels da sport. Tschiens e tschiens skiunzas e skiunzs sgolan dallas bialas spundas cargadas cun nevadas e dil plascher resuna da tuttas varts in legher TUJETSCH OHO. La scola da skis lavura cun success en pliras spartas e porscha ad in e scadin la dueivla instrucziun.

Si Milez sesevan nus pli baul per las punts nuegl entuorn a sulegl, oz cun nies agid havein saviu arver ina tegia che survescha a tuts per cumpleina cumentientscha. En laver da cuminanza cul club-mumma havein organisau dad onn tier onn las cuorsas dil club, pils jasters e pils scolars. Quellas san ins oz buca pli patengar naven.

Ils Tuatschins ein daventai nos amitgs, culs onns han ins empriu d'enconuscher e schazegiar in lauter – ils ruasseivels Sursilvans ed ils pli vivs e leghers Turitges. Aschia festivein nus dus giubileums, il club-mumma ses 25 onns e la secziun ses 10 onns. Communablamein vulein nus passentar la jamna da sport 1939 e selegrar dil vargau e baghegiar vinavon pil futur.

Aschia mirein nus anavos cun plascher sin 10 onns laver communabla. Igl ei gartegiau da formar in grond club e da promover il sport da skis ella val e cun agid dils scolasts havein saviu animar ils mattatschs da sedivertir cun ir cun skis ed ordlunder ein daventai capo-skiunzs. La pintga gruppa da scolars d'antruras ei s'engrondida ed igl ei in plascher da mirar co els semesiran ellas cuorsas en differentas categorias. Quels merets ein d'attribuir specialmein a scolast Sep Mudest Nay che ha dalla bial'entschatta neu luvrau e promoviu igl ir cun skis a ses scolars.

L'uiara mundiala ha dau ina retenida anetga agl entir svilup. Ils anteriurs hosps dalla secziun Turitg ein buca arrivai pli. La davosa jamna da sport organisada dalla secziun ha giu liug igl onn 1947, ina jamna da sport per ils seniors dalla subsecziun.

Entgins onns suenter, l'entschatta dils anno tschunconta, va ei danovamein, denton mo plaunet vinavon cul svilup sil camp turistic. Ils hosps arrivan ed ins sesprova puspei d'activar il contact cun la secziun. Differentas brevs dattan perdetga dallas emprovas da megliurar la situaziun denter ils dus Clubs. Ei ha buca propri vuliu sco antruras. Leugiu ella Bassa fuva medemamein bein enqual caussa semidada el decuors dils onns – ils piouniers da pli baul havevan surdau las hottas a pli giuvnas forzas. In da quels gronds promoturs leugiu ella Bassa ei segiramein Lucas Berther staus. Onns ed onns ha el mantenu in

stretg contact cun la patria bandunada e mirau e procura che la secziun organiseschi lur jamna da sport a Sedrun. Denton il svilup ha disponiu autruisa.

Il club da skis Tujetsch/Turitg exista aunc oz. Bia skiunzas e skiunzs dil marcau da Turitg e dalla regiun fan part da quei. Las jamnas da sport e las diversas turas vegnan menadas atras en loghens pli maneivels, ella Svizra Centrala. Cun uonn festiveschan els 60 onns «Club da skis Tujetsch/Turitg». Per quei intent han els ediu ina scartira da fiasta che cuntegn il svilup e la historia da quella secziun che ha purtau e dau onns ora fetg bia a nossa glieud e promoviu il sport da skis en nossa vischnaunca.

Reminiscenzas d'in anterius capo-skiunz

Felici Monn, Sedrun, seregorda

Mia activitat el sport da skis

Gia cun tschun onns hai jeu entschiet cun quei sport e quei cun in per skis construi ord slondas. Animaus da quei bi sport e dallas cuorsas dil club, sustenius da miu bab cun in per skis novs, hael jeu gia sco mattatsch gudignau pliras cuorsas dils scolars. Cul temps ein era ils skis e ligiaduras vegnidias perfecziunadas. Vess hai jeu spetgau da saver prender part dallas cuorsas dil club. Igl onn 1926 ni 27, propi cu exact sail buca pli, hael priu part dalla emprema cuorsa dil club aunc sco mattatsch da scola. Quella cuorsa ha giu liug sin la suandonta ruta: partenza a Scharinas – Milez – Dieni – Plaun Sutè-suenter la lingia dalla viafier – Sumpraus – punt Camischolas – Salins - Sedrun. Quella ualti stentusa cuorsa hai jeu gudignau sco mattatsch. Quei han ils participonts da Mustér buca propri saviu capir e dau en protesta. Denton ha scolast Sep Mudest Nay, sco derschader prest giu liquidau, essend ch'el sez haveva giu priu il temps. Gl'onn 1927 sundel entraus el Club da skis Tujetsch e suenter priu sco commember part dallas cuorsas internas ed ordeifer. Ord vischnaunca sundel staus allas differentas cuorsas a Segnas, Mustér, Breil, Glion, Flem, Andermatt e Nossadunnaun. Il pli savens hael cuntionschiu buns, gie schizun fetg buns resultats. Quels onns leu fuva mia activitat pulit gronda e cun quei engaschi persunal hael medemamein emprau dad animar nos ulteriurs skiunzs da separticipar a nossas cuorsas ed era ordeifer. Seregurdar less jeu da nies nunemblideivel signur Gustav Walthy, il menader dalla scola da skis Sedrun. El ei s'engaschaus a moda admirabla per mei ed ha instruiu e gidau a far il trenament. Plinavon ha el dau la pusseivladad da prender part ad in cuors da cuorsa liunga ad Andermatt. Quei cuors ei vegnius daus d'in meister da renum mundial cul num Erwinen da Finlandia. Antruras vevan las staffettas gronda calamita. Cheu serimnav'in pievelun e la tensiun da cuorsa fuva fetg gronda. Ina dallas empremas staffettas ei vegnida organisada dil club da skis Mustér. Ella ei vegnida partida en treis etappas. Il club da Tujetsch ha tarmess per il tschancun Mustér - Mompe-Tujetsch: Felici Monn, da Mompe-Tujetsch a Sedrun: Augustin Riedi, da Sedrun anavos a Mustér: Cristian Berther-Monn. Ils Tuatschins han gudignau cun bravura, pliras minutus avon ils secunds. Igl onn 1937 hael deplorablamein giu in fetg grev accident e stuiu desister plirs onns. Suenter mia reconvalescenza hael denton aunc priu part da quater staffettas, duas ga cun igl emprem rang ed ina staffetta cun il secund rang.

Cun quei ei mia carriera sco skiunz ida a fin.

Jeu selubeschel d'aschuntar entginas rangaziuns da mias prestaziuns a caschun da cuorsas da skis da 1926-1936 da differenta tempra:

Cuorsa liunga a Sedrun:	gudignau quater ga
Cuorsa liunga Mustér:	duas gadas priu part e gudignau
Cuorsa rapida a Mustér:	ina ga gudignau
Cuorsa rapida a Glion:	secund rang
Cuorsa liunga a Flem:	inaga emprem, l'auter onn sissu secund rang
Campiunadi grischun a Flem, cuorsa rapida:	otgavel
Campiunadi Svizra centrala ad Andermatt 1931:	cuorsa liunga 4 rang, cuorsa rapida 14avel
Campiunadi svizzer a Nossadunnaun 1933:	sco emprem Sursilvan hael priu part ad in Campiunadi svizzer e cuntionschiu en cuorsa liunga il 12avel ed en cuorsa rapida il 30avel rang.

Entginas cuorsas d'antruras

Per promover il sport da skis organisescha il club cuorsas da pag. Quei intent dil club ei adina vegnius risguardaus dapi la naschientscha. Las cuorsas da skis han lu en emprema lingia era derasau il niev sport e fatg el populars en nossa val. Il di da cuorsa fuva in di da fiasta per gl'entir pievel. Schizun la Societad da musica fuva beinsavens presenta e delectava ils aspectaturs.

Cun las cuorsas pils affons ei vegniu dau l'entschatta igl onn 1915 e teniu atras cun pintgas excepziuns tochen al di dad oz. Bein in bien attestat per il club da skis. El sa esser loschs da tala lavour en favur dalla promozion dil sport da skis pils affons tuatschins da varga siat decennis.

Lein ussa dar ina egliada el vargau e schar plidar il cronist d'antruras sur dallas cuorsas da mattatschs dils anno 1929, 1931 e 1935:

Cuorsa de pag pils affons

Ils sis de schaner 1929 per Buania ei la cuorsa de pag pils affons fixada. In bellezia di! Strusch ein las viaspas finidas, ch'ils buobs shallunan sco ina bova ord porta-baselgia e caminan da Cadruvi si. Quels bollerets manegian, che sch'ins seigi a bun'ura sil plaz, hagi quei de dir fetg bia pil premi. La lingia per la cuorsa era stagiada giu pils pigns: Sumpraus - encunter Zarcuns - da leu dalla lingia ora sin la staziun e da leu tiel tierm final. Per ils gronds fuva la medema via, mo ch'ins ha vuliu schar mussar els la capacitat de semenar. Lez han perquei entschiet la cuorsa sil mises de Camischolas ed ein vegni serpegiond dall'autla spunda neuadenagiu a Sumpraus. Malgrad ils tgaubrochels tut empaglia ei scadin arrivaus saunamein el liug destinau. Sch'in u l'auter ei forsa s'entardaus anzi ditg cun turschar neiv, ei quei buca la culpa digl um sez, quei deivet sto ins scriver si als skis, lez han disdiu. La cuorsa ei stada frequentada da 59 buobs - 24 pigns e 35 gronds.

Cuorsa de pag pils affons, ils 14 da fevrer 1931

La premura ch'ei vegnida demussada tier quella fiasta san ins definir cun ils plaids ord bucca d'in curant: «Ich wollte, ich könnte einmal unsere Schulbuben in Sedrun heraufnehmen und ihnen zeigen, welche Freude und welches Interesse die Tavetscher Knaben einem solchen Rennen entgegenbringen und wie sie sich so recht von Herzen freuen, wenn's ihnen nur ein Messer, ja nur ein Taschentuch zuteil wird.»

E nuota manzegnas! 76 buobs; 38 gronds e 38 pigns, enzacons schizun da quels che havevan aunc mai schigiau igl abc, ein serimnai gia a bun'ura sin Cadruvi. Cun desideri spetgan els cheu en parada sin las numeras. Uonn dat ei numeras novas - dublas - e quei vala era enzatgei. Senza far liungas se-mettan las duas categorias sin via e s'avonzan cun riet al start. Per ils pigns entscheiva la cuorsa si Pitgmun e pils gronds si Cungieri. Strusch ein ils davos dils pigns tarmess sin via viers il final, ch'ils gronds vegnan, in uss ed in gleiti tut en in fem dall'autla spunda neuagiu. Marletga sin marletga! Quei han las neblas era viu ed entschiet a tgirar neiv e neiv pir che mai. E las floccas de neiv seduvravan pli e pli de cuntschar las ruosnas fatgas ella cozza loma.

Cuorsa pils buobs, ils 16 da fevrer 1935

Gia in temps avon havevan ils buobs in cunfar e discuorer cura ei possi puspei dar uonn lur cuorsa de pag ni «Skiclub», ni sco biars pigns dian: «il skiclug» ni schizun «il Skiplut». E finalmein arriva tonaton quei di benediu, ils 16 da fevrer. Igl ei tuttina detg bi de mirar, co mintga rutli, schizun ratuns che van gnanc a scola, sedrovan e sesprovan cun lur pinigas forzas d'acquistar zatgei, era sch'igl ei mo pauc. La partenza pils pigns ei stada fixada si Valtgeva e pils gronds Si Sumpraus. Uonn maungla negin temer de siglir culs skis encunter la crappa ed aunc bia meins de pegliar zanua el terren, pertgei neiv eisi massa.

Cuorsas dil club

Ils anno schotg vegn dau l'entschatta cun la cuorsa dil club. Igl ei stau in di da fiasta per l'entira populaziun tuatschina. Aunc mai veva ina cuorsa da tala tempra giu liug en la val. Ins sa comprender tgei marveglias bein enqualin ha giu da veser ils capo-skiunzs. Perquei ei era in pievelun serimnaus per admirar las prestaziuns dils concurrents. Las pretensiuns als curriders ein lu era stadas buca aschi strusch. La partenza ha giu liug a Planatsch ed il final a Sedrun spei Sontget dils Gedius. Denton lein schar raquintar il nuder Gion Felici Monn:

L'emprema «Cuorsa de resistenza» dils 13 da schaner 1918

Il comite festiv ha sedau tutta breigia e premura per arranschar la fiasta «com il fo». Principalmein ei quei stau il cass tier trer il trasse. Ins ha vuliu dar a quel absolutamein variaziun, de maniera che mintga skitur sappi sviluppar sufficientamein sia capacitat. La variaziun ei denton stada previda aschi rehamein che la capacitat de mintgin ha tscheu ni leu fatg bancrot e quei en fuorma de differents tgaubrochels. La cuolpa de quei ha ins naturalmein attribuiu al comite che hagi tschentau memia grondas pretensiuns, il qual ei per part era ver. Al comite ha ei duront il trer la lingia era buca muncau variaziun. Nunditgond ils numerus e pauc elegants tgaubrochels eis el aunc malgrad tutta precauziun vegnius en ina lavina els ruvens de Ruera. La lavina ha denton giu ton respect visavi il venerabel comite, ch'ella ha, trend en consideraziun la gronda muntada de siu pensum, sil zuc dau liber quel, senza ch'ins stoppi dar alarm e clamar agid.

Sinaquei ch'era ils vognentsuenter de nies ludeivel club sappien nua l'emprema cuorsa de resistenza hagi giu liug, vulein nus indicar quei en cuortas indicaziuns.

Partenza: Planatsch, signal sur Scangleras. In tschancun anora giu tras gl'uaul Tschuppina, lu entraviers viagiу ella val de Sudada, suenter da Sudada giu (mo empau recent sco ins scheva) tochen sut la punt de Satur, naven de leu sin l'aua da Val Giuv vi direcziun caglia sut ils Ruvens de Ruera, da quels si encunter punt-fier Val Mila, sper casa de Crestas oragiu direct sul mir giu el stradun, lu per quel tochen in tschancun dadens Zarcuns, da leu puspei anorasi sul e tochen dador il vitg anetgamein dador la caplutta giu el Rein de Tgamaura, sur quel vi e da tschei maun si direcziun lingia della viafier sur Camischolas, per quella tochen ora il prau de Pitgmun, suenter in trianghel dalla Spinatscha orasi, puspei in sprun sulla viafier e lu stracs dalla plaunca giu sur mirs e risteinas tiel tierm dador il Sontget.

Per eternisar las prestaziuns da mintga skiturlein nus aunc schar suandar la giesta de quels, sco els ein classificai tenor temps impundiu:

1. Curschellas Luis	39.45
2. Monn Rest Valentin	40.30
3. Monn Gion Antoni, fravi	40.47
4. Deflorin Giusep	41.00
5. Monn Sep Antoni	42.00
6. Berther Fidel	43.33
7. Venzin Benedetg, scolast	43.45
8. Monn Flurin	44.04
9. Monn Vigeli, Sedrun	44.05
10. Brugger Aluis	44.23
11. Berther Lucas	46.25
12. Venzin Ludivic	47.00
13. Monn Gion Antoni, Surrein	48.05
14. Cathomen Bistgaun, scolast	49.05
15. Bundi Bistgaun, scolast	49.20
16. Venzin Giachen Antoni	54.20
17. Monn Hans Giachen	54.50
18. Coray Barclamiu, scolast	59.40

Priu part della cuorsa han 19. In ha anflau per indicau de buca passar il tierm.

Al comite festiv per la sura cuorsa de resistenza han fatg part ils suandonts commembres dil club:

*Monn Gion Felici
Hendry Aluis, calger
Monn Gion Antoni, bostger
Berther Tumaisch Benedetg
Soliva Battesta*

Ins ha giu previu da cunthiar cun las cuorsas dil club, perquei suonda gia 1919 ina da tal gener. Lein tedlar:

La secunda cuorsa de resistenza dil Club de skis de Tujetsch ha giu sia partenza si Liez sut il faner de Lucas Cavegn. Da leu entraviers oragiu sur faner de Berther Sep (numnaus Brahas), lu en entgins

crauns enagiu. Suenter anoragiu direcziun dretg dils clavaus de Nurschai Sut, da Bodas oragiu Plaun Sute, punt-fier, per la lingia della viafier tochen Crestas, lu dal rieven denter casa de Brugger e clavau dellas Sorts giu, da leu ensi encunter Sumpraus lochen sil Crest Vigeli, puspei engiu dretg de Camischolas Sura da Vanschalla giu el stradun, per quel tochen dador la punt de Tgamaura, puspei ensi tochen ella lingia della viafier. Lu per quella tochen ord ils praus de Pitgmun, in trianghel della Spinatscha orasi, puspei in tschancun culla viafier e finalmein cun combas tremblontas della plaunca giu tier tierm sulla geina de Foppas-Niregl.

Priu part della cuorsa han skiturs: 23 commembers dil club de skis de Tujetsch ed otg commembers dil club de skis de Mustér. Passau il tierm han mo 30. Il purtader de numra 13 ha nunvoluntariamein vuliu mantener a siu numer igl usitau schliet omen, buca cun daventar agressivs visavi il numer, mobein cun rumper in ski.

Circa allas tschun e mesa della sera ha giu liug ella sala dil hotel Cruna la distribuziun dils premis. Ils commembers dil club de skis Mustér ein suenter sefatgs giuadora e scappai bunamein pli spert che giu da Liez. Pli ditg della notg viaden en legra cumpignia e harmonia han ils nos teniu ora.

Las cuorsas giu da Planatsch e Liez fuvan pari aunc adina memia pauc pretensiusas pils concurrents.

Quei manegia la suprastonza dils anno 1922 che metta ora la tschunavla cuorsa da pag sco suonda:

La tschunavla cuorsa de pag dil club de skis Tujetsch ha giu sia partenza si l'Alpsu sper il hospezi. Da leu sur il lag orasi Tiarms, giu Val Val, orasi Cuolm Sut ed en grada lingia oragiu Dieri, dil stradun ora tochen a Camischolas, orasi sin la gara e giu dadens la casa dils pasterners Gisler, nua che dus pignols stupent decorai eran eregi sco tierm.

Tier quella cuorsa eis ei stau 28 participonts, skiturs de Tujetsch, Mustér, Medel ed Andermatt.

1935

Ils 20 da schaner ha il club arranschau ina cuorsa de pag per tuts commembers dil club - era maridai. Igl intent de quella cuorsa ei buca staus quel de mirar qual seigi il capo e qual seigi il pli grond planori, na anzi per rimnar inaga tuts commembers e passentar zacontas uras en buna harmonia e hilaritad, sco avon onns. 26 commembers - denteren umens de 40 onns, maridai - han suandau il program ed han priu part della cuorsa. La lingia per la cuorsa ei buca vegnida stigiada giu naven da Tiarms a Sedrun ed aunc bia meins giu dal Tgom dil Maler - na, na - mo giu da Sumpraus a Sedrun. La cuorsa ha giu in stupent decuors, senza incaps, e tuts han cuntonschiu il final. Ils maridai havevan lur consortas ch'eran giu en via e miravan, speravan e tremblavan e fuvan spir pitgiras. Insumma gl'ei stau in legher di senza quintar la notg.

Monn Gion Felici, protocoll

La staffetta sursilvana

regurdientschas da Tumaisch Aluis Huonder

Ei fuva in bi di d'unviern. Il blau dil tschiel empermetteva tut e la cozza da neiv fuva alva e neidia. Il traffic da curriders en la loipa sin il plaun sut il vitg era vivs e cuzzava per ordinari tochen ch'il sulegl mava da rendiu. Neiv veva ei detgavunda, gia da mes onns, denton la loipa curdava buca ensemens cun las scrottas giu da tschiel. La preparaziun da tala figurava sco part da nies trenament. Quel veva gia entschiet en el decuors digl atun cun divers exercezis, il pli usitau cun cuorer per praus e pradas.

Caschuns da semiserar cun concurrents d'ordeifer eran raras. En nossa regiun purscheva sulettamein la staffetta sursilvana quella desiderada pusseivladad. La staffetta fuva ina cumpetiziun annuala ch'haveva priu sia entschatta igl onn 1944 a Mustér. L'emprema cuorsa liunga da staffettas ha menau da Breil a Sedrun ed anavos alla arrivada a Mustér. Ils victurs ein stai ils Tuatschins. Ils valerus che han representau lezza ga nies club da skis ein stai: Baseli Schmid, Tumaisch Berther, Giachen Fry, Felici Monn e Toni Riedi.

Ils buns resultats han secapescha dau curascha als curriders tuatschins. Ed els han cuntuau cun grond idealissem ed engaschi persunal. Endisch onns suenter, ils anno 1955, a Mustér, fuva segir aunc ina pulita part digl entusiassem avon maun, ch'era vegnius manifestaus per l'emprema ga da nos Tuatschins igl onn 1944. Las gruppas ord las retschas dil club da skis Sedrun-Tujetsch, Sedrun I e Sedrun II, contonschan a caschun dalla 13avla staffetta sursilvana ils dus megliers temps. Grondius resultats — talas prestaziuns han fatg honour al club da skis e dau la meriteivla satisfacziun als skiunzs tuatschins.

Medemamein grondius ein ils resultats contonschi alla staffetta grischuna a Mustér il medem onn. Sedrun II cul secund rang ha stuschau S. Murezi sin il tierz scalem e Sedrun I ha falliu la medaglia d'argien mo per pauc.

1956 ha la davosa staffetta sursilvana giu liug a Sedrun. Las duas squadras tuatschinas han mussau als biars aspectaturs indigens lur capacitat da cuorer ed han fatg gronda honour cun salvar aur ed argien ella val. Suenter las cuorsas dustav'ins la seit en ina u l'autra ustria. La cumpignia steva si legra entochen las uras da perver — mintgaton era pli ditg ed il muvel saveva lu spetgar.

Deplorablamein ein ils buccals ed outras trofeas vegni rubai dallas flommas entras in barschament en la Pensiun Soliva.

In recept magic che permetteva success, dat ei oz buc e dev'ei da miu temps activ secapescha era buc. Sper il parter en las forzas il pli favoreivel era la preparaziun dils skis fetg impurtonta. Ils calzers serravan ualts fetg e ferm e las caultschas sgulatschavan buca mal. Vid il tgierp taccava il bia mo la numera, priu tut ensemens deva quei ina aerodinamica stermentusa! La staffetta sursilvana exista buca pli, mo la cuorsa liunga ei s'avanzada tier ina disciplina fetg populara. Il meglier mussament da quei svilup ei ina egliada in bi di d'unviern giu sils plauns sut Sedrun.

Entginas regurdientschas d'in anterius, passiunau e fanaticher da cuorsa liunga - da present mo aunc avon la televisiun.

Entginas rangaziuns

Staffetta sursilvana

1944 a Mustér:	1. rang
1945 a Sedrun:	1. rang
1946 a Trun:	1. e 3. rang
1947 a Glion:	1. rang
1948 a Mustér:	3. rang
1950 a Sedrun:	1. e 4. rang
1951 a Vella:	2. e 7. rang
1952 a Trun:	1., 5. ed 8. rang
1953 a Glion:	1. e 6. rang
1954 ad Uors:	1954 ad Uors:
1955 a Mustér	1. e 2. rang
1956 a Sedrun:	1. e 2. rang

Autors resultats:

Staffetta grischuna a Mustér 1955:	2. e 4. rang
Campiunadi svizzer a Ste-Croix 1955:	15avel rang en staffetta

Ils biars dils sura allegai curriders dil club da skis Sedrun-Tujetsch separticipavan stediamein era a cuorsas militaras e cuntenschevan era leu fetg funs e respectabels resultats.

Aschia per semeglia:

1955	Cuorsa da brigada a Mustér, 25 km:	2. rang
1955	Campiunadi d'armada ad Ursera: 30 km:	12. rang
1956	Cuorsa da brigada a Flem, 25 km:	2. rang
1957	Cuorsa da brigada a Claustra, 28 km:	2. rang
1957	Campiunadi d'armada ad Ursera, 30 km:	18. rang
1958	Cuorsa da brigada a Claustra, 28 km:	1. rang
1959	Cuorsa da brigada a Claustra, 28 km:	2. rang

Ils davos ventgatschun onns 1964 - 1989

«In'uniu viva sch'ella vul viver», cun quels plaids da muossavia concludan ils cronists la cronica a caschun dil giubileum da 50 onns. Quels plaids han dau la curascha da canticuar e mussau la via el futur. Tschunconta onns existenza e laver pil generalessa pretendan medemamein da canticuar cun tutta forza pil beinstar dil sport da skis en nossa biala val. Insumma ha il sport survegniu tut ina autra funcziun ch'antruras. Oz ch'il dueivel moviment maunca biaga el mistregn da mintgadi, vegr il sport en general propagaus pil beinstar corporal dad in e scadin. Lu ei il sport da skis era daventaus in divertiment per la fin dalla jamna e duront las vacanzas d'unviern. Antruras in sport da singuls - oz in sport da massa. Quellas premissas e quei svilup ei secapescha staus da grond avantatg pil club. Ils responsabels al tgamun dil club ein perquei semess cun admirabel engaschi alla laver.

Cuorsas

L'emprema finamira ei stada d'era inaga organisar ina cuorsa pli vasta e da nivo pli elevau en Tujetsch. La caschun ei prest sedada. 1965 ha liug l'emprema gronda cuorsa, numnadamein il campiunadi grischun nordic. Igl entir club ei s'engaschaus a moda exemplarica per organisar la cuorsa. Insumma han ins lu nezegia la caschun e presentau Tujetsch alla publicitat. En ina conferenza da pressa vegr orientau e mussau vi sin las numerusas pusseivladads pil sport da skis en nossa vischnaunca.

L'organisaziun dalla cuorsa singula e staffetta ei vegnida ludada ed il club ha saviu retscheiver in bien attestat per la laver prestada.

Quei ha motivau ils responsabels dil club da surprender ulteriuras cuorsas pli grondas e da renom pli vast. Il preparar tals eveniments sportivs ei ina caussa che drova in pulit engaschi ed empau idealissem. Ei drova in tschuat glieud che s'engascha pils pli differents posts da laver. Oz, el temps aschi perfetg, sto mintga detagl esser preparaus e ponderaus da rudien. Tuttavia las differentas suprastonzas da quels onns, ils comites d'organisaziun ston per ordinari impunder fetg bia uras e temps liber. Enqualga eisi segir buca stau lev — il tgamun fuva magari resch persuls. Aschia plaidan ils protocols meinsvart da bein enqual bova ed embrugl ellas retschas dils commembers dil club da skis.

Denton, quei han ils responsabels era viu, igl organisar ina cuorsa gronda porscha empau variazion e rinforza la collegialitat el ravugl dils commembers. A nossa giuentetgna han ins aschia saviu mussar exempels, skiunzs da renom mundial, ed en quei senn motivar els aunc dapli al bi sport da skis.

Danovamein surpren il club l'organisaziun dil Campiunadi grischun nordic dils onns 1971 e 1980. Da gronda muntada per la val ein era stadas las cuorsas: Campiunadi svizzer da Clubs 1976, las cuorsas digl Interbancario 1978 e la cuorsa FIS Slalom gigant per umens 1978.

Tut cuorsas che han promoviu per da dretg il bi sport da skis e fatg enconuschenta nossa val culs fetg bials territoris d'ir cun skis ad in vast publicum suls cunfins da Garmischera ed Alpu ora. Per quella laver da reclama per nossa pli ferma petga economica, il turissem, mereta il club da skis in engraziament.

Gruppa da cuorsas

Igl onn 1959 ei vegniu fundau ina gruppa da cuorsas. Denton, gia igl onn 1936 vev'ins giu la medema idea e mess si ina gruppa da concurrents. Carteivel veva l'uiara, mundiala schau ir en emblidonza tala ed ins emprova lu 1959 da puspei clamar en memoria e promover il sport da skis cun formar quella gruppa e dar la pusseivladad da separicipar a cuorsas regiunalas. Ina excellenta idea, promover ils giuvens skiunzs, porscher ad els premissas idealas da trenament e scolaziun ellas differentas tecnicas d'ir cun skis e dar la caschun da semiserar en cuorsas. Entgins onns ha quella gruppa veramein fluriu e dau honur al club cun purtar a casa buns resultats. Aschia gudognan ils Tuatschins 1963, 1964 e 1965 il Campiunadi alpin sursilvan. La biala trofea, in skiunz, sesanfla ella scaffa dil club el hotel Krüzli.

Denton suenter sulegl suonda pil pli plievgia. Aschia ha quella gruppa da cuorsas savens e tuttavia ils onns sissonta viaden els siatonta dau caschun a discussiuns pli grondas. Quasi mintga radunanza generala plaida dad embrugls e burasclas pervia dils concurrents. Pil pli mava ei pervia dallas finanzas, pervia dallas prestaziuns ed il sedepurtar da singuls caposkiunzs. Ils responsabels, ils trenaders e menaders dalla gruppa, quels han buca giu in lev pensum, e traso sto in auter star davontier e far il pusseivel da promover ils campiuns dalla val. Secapescha, aschia sa e po ei buca propri prosperar a moda cuntenteivla sco ei vegn giavischau dils commembers dil club. Schegie che veramein fetg buns skiunzs fussen stai avon mann — ei ha tuttina muncau il schinumna e necessari punct sigl «i». Quellas circumstanzas meins favoreivlas laian buca contonscher propri buns resultats sin las cuorsas regiunalas ed arver las portas ad in ni plirs da nos skiunzs dil club per ina carriera sil sectur sport da skis.

Ils davos onns eisi vegniu pulit quiet en quels graus. Dapi entgins onns dat ei negins concurrents ord las retschas dil club che fan part a cuorsas regiunalas. Lein metter cheu speronza el futur, ch'el possi purtar empau migliur sin quei camp.

Cuorsa liunga

Igl onn 1963 vegn dau l'entschatta cun l'instrucziun dils affons. La «JO», l'Organisaziun per giuvenils, vegn fundada. Mattatschas e mattatschs han ussa la pusseivladad da separticipar als cuors d'instrucziun ellas novas tecnicas dad ir cun skis. Biars affons tuatschins, buobs e buobas, vegnan aschia promovi e scolai da rudien. Cuorsas internas e regiunalas porschan la pusseivladad da semiserar ed empruar ora igl empriu ella pratica. Ed els han mussau cups e contonschiu savens fetg buns e cuntenteivels resultats. Pils menaders responsabels in clar mussament d'esser sin buna via. Las cuorsas han mussau ora il contonschiu e dau la necessaria segirtad e motivaziun da canticuar.

Gest ils davos onns prosprescha quella organisaziun en fuorma admirabla. Ils menaders e menadras han anflau la dretga via d'animar ils affons. Els sedattan gronda breigia da mussar las pli novas tecnicas. Quei dat curascha d'era prender part a cuorsas pli pretensiunas ella regiun. Els, nos affons, ein gie nossas speronzas pil futur. Cheu ha il club forsa la pli biala missiun, il promover igl ir cun skis a nos affons tuatschins. Las premissas ein oz pli idealas che zacu. Ed ussa cun las novas giaccas e caultschas unicas offeridas dalla Societad da runals Sedrun/Rueras SA, fan els ordvart buna cumparsa. Forsa savein nus lu in di festivar ord retscha da quels pigns campiuns dad oz in di in campion regiunal, cantunal, federal ni schizun internaziunal.

Cuorsa dil club

Punct culminont da mintga onn ei la cuorsa dil club ed il cup politic apostea per nos politichers communals. Quella cuorsa dil club vegn organisada e menada atras dapi 1918 cun pintgas interrupziuns tochen al di dad oz. Pia ina cuorsa cun gronda tradiziun. Quei fatg muossa lu era il di fixau per la cuorsa. Grondas discussiuns ha ei gia dau in tschappel dis avon. Ei vegn planisau, studegiau e calculau.

Beinenqualin anfla buca propi la dretga sien la notg avon. E lu per il di da cuorsa, per ordinari ina sonda el meins mars. Cheu arrivan ils commembers e commembra a Valtgeva – tgi cun dua, auters schizun treia pèra skis. Ei va tier sco avon ina cuorsa internaziunala. Ei vegn miserau e tuccau la neiv, mirau encunter tschiel e priu ils davos e decisivs conclus co unscher. Mintgin ha cheu siu misteri e quel vegn tenius tschelaus. Lu arriva la desiderada partenza. Uss ei mintgina e mintgin in campion ni campiunessa. Quei ves'ins gia vid la posiziun da partenza. Ei vegn fatg diever dallas tecnicas secumprovadas mo era las pli novissimas vegnan secapescia en diever. Cun quels rampins tecnicas engulai dils skiunz internaziunals vegn fatg cumbat encunter mintga tschienavel. E lu suenter il passadi tral final, las grondas discussiuns e prognosas per la rangaziun.

Mo cheu dat ei nuot auter che spitgar entochen la sera. Per ordinari ha liug la medema sera la tradiziunala sera hilarica ni sera dil club. La sala ei pli che pleina. Ei vegn sediverti, saltau, buiu e magliau. In program humoristic accumpogna tras la sera. Lu zacu el decuors dalla fiastetta – finalmein la rangaziun dalla cuorsa. Beinenqualin ha uss in tec battacor. Ed ei dat lu savens surpresas buca provedidas.

Basta, il principal ei lu tuttina il divertiment e la recreaziun che la cuorsa e la sera hilarica porscha a skiunzas e skiunz. In per uras, emblidar ils quitaus quotidians, quei sa il club era porscher a ses numerus commembers. Mo per cass, quei vala lu buca nuot el temps dad oz.

Cuorsa liunga

Las cuorsas d'antruras fuvan ina certa cumbinaziun denter ir cun skis alpin e nordic. Ils capo-skiunz stuevan esser buns buca mo da descender a val, mobein era puspei saver silsuenter ascender sur vals e crests per danovamein returnar a val. Perquei las cuorsas empau pli stravagantas da Planatsch a Sedrun; naven dil Pass Alpu a Sedrun ni naven da Mustér a Sedrun ed anavos. Quellas strapaziusas cuorsas pretendevan sforzs enorms dils concurrents. Prestaziuns da vaglia!

Saver ira era ensi cun skis fuva pia impurtont. Perquei veva la cuorsa liunga sia speciala muntada. Las staffetas sursilvanas ein vegnidias scaffidas a posta per promover quei sport. Era il club ha organisau differentas gadas cuorsas da quei gener en nossa val. Mo tuttina han ins schau ira en emblidonza quei bi sectur da sport.

Novs impuls han ils campiunadis grischuns nordics, ch'han giu liug en nossa val, danovamein dau. A caschun dalla radunanza generala digl onn 1973 vegn ponderau sin tgei moda promover la cuorsa liunga. Ord il protocol: «*Pertenent ev. cuorsa liunga: Signur president Alfred Schmid metta avon a nos*

commembers, schebein ins lessi buca entscheiver a trer si in tec la cuorsa liunga. Medemamein fussi era de far ina JO per quella disciplina. Suent liunga discussiun vegn ei schau sura alla suprastanza de prender si contractivas cun l'Uniu da cura e traffic Tujetsch pervia de loipa ed en principi entscheiver cun cuorsa liunga ed eleger in cau de cuorsa liunga.»

Aschia ei naschida la cuorsa populara per cuorsa liunga, «LA TUATSCHINA». Ils 17 da fevrer 1974 ha giu liug l'emprema cuorsa cun 104 participonts. La medaglia, surdada allas concurrentas e concurrents, ei stada ina regurdientscha a sissonta onns club da skis.

Uonn cun caschun dil giubileum da 75 onns ei quella biala cuorsa vegnida menada atras per la sedischavla gada cun success. Lein sperar che quella interessanta cuorsa da tempra populara possi aunc semantener biars onns e sin quella moda e maniera promover quei bi e sanadeivel sectur da sport.

Plinavon ha il club naturalmein era vuliu promover quei sport el ravugl dils commembers cun eleger in cau per quella sparta che duei instruir ils interessents da quei sport.

Insumma ei quei sport daventaus ils davos onns in sport dalla massa. Cheu san giuven e vegl, umens e femnas far part e far enzatgei per la sanadad.

Sin fundament da quei enorm svilup en quei sectur e per promover la cuorsa liunga ella regiun dat ins igl onn 1984 l'entschatta cun la cuorsa «LA REZIA», ina cuorsa da Mustér a Sedrun. En collaboraziun cul club da skis Mustér vegn quella aunc organisada 1985. Igl onn 1987 nescha il Maraton sursilvan. Ina idea promovida ed organisada dils clubs da skis regionals. Tujetsch ha il cletg da haver il final ella val. Duas gadas ei quei maraton gia vegnius menaus atras, segir ina gronda speronza pil futur, che duei procurar empau svilup sil camp da cuorsa liunga en nossa val e regiun.

Cuorsas d'affons

Las cuorsas d'affons han adina giu sia calamita tut speciala. Las pistas preferidas per quellas fuvan avon onns a Niregl, si Pitgmun, giu da Cungieri ed il pli savens giu da Valtgeva tochen al stradun principal. Promoviu las cuorsas han ils hospes dalla secziun da Turitg, han els gie biars onns finanziau ils premis pils mattatschs. Tochen viaden ils onns tschunconta astgavan mo ils buobs prender part da quellas cuorsas. Per cun l'entschatta dils anno sissonta han las buobas era giu finalmein la pusseivladad da semiserar en concurrenza.

Culs onns vegn era calau da dar premis als affons ed ei vegn schau far las empremas medaglias. Dapi 1974 vegn menau atras la cuorsa en fuorma d'ina cumbinaziun. Oz ha la cuorsa liug, per ils scolars e scolaras dalla quarta classa ensi a Milez, e quei ina cuorsa rapida ed in slalom gigant. Ils pigns han mantenui lur tradiziun ed han lur cuorsa aunc adina giu da Valtgeva.

Per finiziu

Mirau anavos sil svilup dils davos 25 onns ston ins bein constatar in legreivel e saun svilup, schegie che tut ei buca adina iu senza enqual burasca. Denton, adina puspei ha il sulegl danovamein sclariu e las diversas suprastonzas han fatg tut il pusseivel da promover il sport da skis e vegnir suenter agl intent primar dil club. E quei ei gartegiau oreifer, grazia alla bunaveglia e stenta da biars commembers.

Oz stat il club sin bunas costas. Entuorn 250 commembras e commembers dumbra il club, ina dallas pli grondas uniuns dalla val. Quei ei bein in mussament ch'ins appreziescha ordvart la lavour ed igl engaschi dil club, e la suprastanza actuala sa ver quet da quei fatg.

Siatontatschun onns ei buca pauc, anzi. Quels obliqueschan ils responsabels da cuntinuar pil beinstar dil sport da skis en nossa val.

Funcziunaris da 1914 - 1989

Presidents:

Berther Lucas, Sedrun	1914 - 1924
Berther Cristian, Sedrun	1924 - 1931
Giger Gion Battesta, Selva	1931 - 1935
Schmid Teofil, fatschenta da sport, Sedrun	1935 - 1937
Hendry Giachen, Gonda	1937 - 1939
Cavegn Giusep, fravi, Sedrun	1939 - 1940
Schmid Teofil, scolast, Sedrun	1940 - 1942
Hendry Felici, Sedrun	1942 - 1945
Berther Vigeli, scolast, Camischolas	1945 - 1946
Berther Tumaisch, Gonda	1946 - 1948
Jacomet Leci, Sedrun	1948 - 1950
Berther Vigeli, scolast, Camischolas	1950 - 1952
Berther Toni, Rueras	1952 - 1954
Venzin Teodosi, Sedrun	1954 - 1958
Soliva Battesta, Sedrun	1958 - 1960
Pally Vinzens, Rueras	1960 - 1962
Berther Emmanuel, Sedrun	1962 - 1966
Garnboni Stanis, Sedrun	1966 - 1968
Egolf Erwin, Sedrun	1968 - 1971
Schmid Alfred, Sedrun	1971 - 1973
Schmid Rinaldo, Gonda	1973 - 1981
Pally Gabriel, Sedrun	1981 - 1987
Cavegn Pius, Camischolas	1987

Vicepresidents:

Walthy Gustav, Sedrun	1931 - 1934
Cavegn Giusep, fravi, Sedrun	1934 - 1935
Monn Fidel, Sedrun	1935 - 1937
Berther Toni, Rueras	1937 - 1939
Vinzens Battesta, Gonda	1939 - 1942
Schmid Teofil, fatschenta da sport, Sedrun	1942 - 1945
Hendry Felici, Sedrun	1945 - 1947
Caduff Vigeli, Rueras	1947 - 1949
Loretz Gaudenz, Selva	1949 - 1952
Cavegn Lucas, Rueras	1952 - 1954
Huonder Tumaisch Aluis, Sedrun	1954 - 1958
Berther Stanis, Sedrun	1958 - 1962
Monn Battesta, Sedrun	1962 - 1965
Egolf Erwin, Sedrun	1966 - 1968
Cavegn Antieni, Sedrun	1968 - 1970
Schmid Vigeli, Zarcuns	1970 - 1971
Schmid Rinaldo, Gonda	1971 - 1973
Loretz Dori, Sedrun	1973 - 1981
Schmid Alfred, Sedrun	1981 - 1983
Decurtins Silvio, Sedrun	1983 - 1985
Berther Alfred, Camischolas	1985 - 1987
Schmid Andre, Dieni	1987 -

Actuars:

Monn Gion Felici, Camischolas	1914 - 1921
Venzin Tumaisch, Sedrun	1921 - 1927
Berther Duri Vigeli, Rueras	1927 - 1928
Peder Gion Michel, Selva	1928 - 1935
Monn Felici, Sedrun	1935 - 1937

Decurtins Alfred, Sedrun	1937 - 1939
Deragisch Placi, Gonda	1939 - 1942
Schmid Luis, Zarcuns	1942 - 1946
Berther Tumaisch, Gonda	1946 - 1947
Beer Gion Andriu, Gonda	1947 - 1948
Monn Isidor, Sedrun	1948 - 1950
Cavegn Lucas, Rueras	1950 - 1952
Venzin Victor, Sedrun	1952 - 1954
Berther Sep Fidel, Rueras	1954 - 1956
Beer Ignazi, Gonda	1956 - 1958
Curschellas Luis, Sedrun	1958 - 1960
Hendry Isidor, Gonda	1960 - 1962
Hendry Vigeli, Sedrun	1962 - 1966
Albin Giusep, Sedrun	1966 - 1968
Groth Karl, Gonda	1968 - 1970
Hendry Bruno, Gonda	1970 - 1974
Mathiuet Guido, Gonda	1974 - 1980
Cavegn Simon, Sedrun	1980 - 1985
Valier Tumaisch, Sedrun	1985 - 1987
Cavegn Benno, Sedrun	1987 -

Cassiers:

Decurtins Hans, Sedrun	1913 - 1914
Hendry Leci, Surrein	1914 - 1915
Berther Sigisbert, Sedrun	1915 - 1916
Berther Giachen Fidel, Rueras	1916 - 1920
Beer Vigeli, Rueras	1920 - 1921
Berther Duri Vigeli, Rueras	1921 - 1927
Hendry Luis, Sedrun	1927 - 1933
Hendry Toni, Gonda	1933 - 1935
Cavegn Giusep, Sedrun	1935 - 1936
Hendry Giachen, Gonda	1936 - 1937
Schmid Teofil, Sedrun	1937 - 1939
Valier Benedetg, Camischolas	1939 - 1941
Cavegn Vigeli, Sedrun	1941 - 1945
Hendry Giochin, Gonda	1945 - 1948
Beer Gion Giachen, Gonda	1948 - 1950
Beer Placi, Gonda	1950 - 1952
Curschellas Luis, Sedrun	1952 - 1954
Cavegn Rudolf, Sedrun	1954 - 1958
Venzin Vigeli, Sedrun	1958 - 1962
Schmet Alfons, Sedrun	1962 - 1963
Gamboni Meinrad, Gonda	1963 - 1965
Deflorin Leci, Camischolas	1965 - 1967
Hitz Edgar, Gonda	1967 - 1969
Cavegn Gerold, Sedrun	1969 - 1979
Monn Maria Teresa, Gonda	1979 - 1981
Valier Tumaisch, Sedrun	1981 - 1985
Pally Daniela, Sedrun	1985 - 1987
Berther Ivo, Camischolas	1987 -

Cau da turas:

Riedi Augustin	1931 - 1932
Berther Franzestg, Rueras	1933 - 1936
Monn Felici, Sedrun	1937 - 1938
Schmid Baseli, Sedrun	1939 - 1944

Valier Benedetg, Camischoals	1945 - 1946
Caduff Giusep, Rueras	1947
Decurtins Alfred, Sedrun	1948 - 1949
Huonder Tumaisch Aluis, Sedrun	1950 - 1953

Cau da cuorsas e cau dalla gruppaa:

Monn Felici, Sedrun	1938 - 1944
Decurtins Alfred, Sedrun	1945 - 1946
Berther Gebhard , Camischolas	1947 - 1948
Schmid Alexander, Sedrun	1949 - 1951
Caduff Flurin, Camischolas	1952 - 1953
Curschellas Tumaisch, Surrein	1954 - 1957
Caduff Flurin, Camischolas	1958
Deflorin Leci, Camischolas	1959 - 1960
Schmid Hans, Cavorgia	1961 - 1962
Bearth Gion, Sedrun	1963 - 1966
Berther Ignazi, Camischolas	1967 - 1970
Berther Baseli (mo gruppaa)	1968 - 1970
Berther Felici, Camischolas	1971 - 1973
Cavegn Guerino (mo gruppaa), Rueras	1971 - 1973
Decurtins Silvio, Sedrun	1974 - 1978
Hendry Sep, Surrein	1979 - 1984
Loretz Franz, Surrein	1985 - 1988
Monn Andreas, Sedrun	1989 -

Cau dall'organisaziun da giuvenils OG:

Casanova Martin	1964 - 1965
Egolf Erwin, Sedrun	1966 - 1967
Cavegn Richard, Sedrun	1968
Berther Robert, Camischolas	1969 - 1971
Cavegn Guerino, Sedrun	1972 - 1973
Hendry Sep, Surrein	1974 - 1978
Giossi Vendelin (nordic), Rueras	1974 - 1982
Loretz Franz, Surrein	1979 - 1981
Cavegn Alexander	1982 - 1984
Monn Andreas, Sedrun	1985 - 1986
Soler Riccarda, Bugnei	1987
Giossi Vendelin, Rueras	1988 -

Cau cuorsa liunga:

Schmid Alfred, Sedrun	1974 - 1981
Monn Claudi, Sedrun	1982 - 1983
Monn Aurelio, Sedrun	1984 -

Cau da material:

Beer Leo	1936 - 1942
Monn Vigeli, Bugnei	1943 - 1949
Berther-Tuor Ignazi, Sedrun	1950 - 1951
Soliva Battesta, Sedrun	1952 - 1953
Berther Stanis, Sedrun	1954 - 1957
Hendry Vigeli, Sedrun	1958 - 1959
Monn Battesta, Sedrun	1960 - 1961
Deragisch Ervin, Sedrun	1962 - 1966
Hitz Emanuel, Sedrun	1967
Cavegn Felici, Sedrun	1968
Berther Barclamiu, Sedrun	1969 - 1970
Berther Carli, Sedrun	1971 - 1974

Schmid Franz, Sedrun	1975 - 1984
Hendry Roman, Sedrun	1985 -
Hendry Pius, substitut, Sedrun	1989 -

Las gliestas dils differents funcziunaris e menaders, sco era dils commembers d'honur e veterans, ein vegnidas fatgas cun agid dils protocols dil club da 1914-1989.

Commembers d'honur

Commember d'honur daventa quel ch'ei sefatgs meriteivels per l'uniun ni il sport da skis.

Quellas premissas perscrettas els tschentaments dil club han dudisch persunas giu ed ein aschia vegnidas honoradas el decuors da 100 onns sco commembers d'honur.

	numnai
Monn Gion Felici, Camischolas	1939
Berther Maurus, Sedrun	1939
Monn-Decurtins Vigeli, Bugnei	1946
Schmid Baseli, Sedrun	1946
Berther-Soliva Tumaisch	1946
Monn Felici, Sedrun	1946
Fry Giachen, Segnas	1946
Fiedler Max, Turiig	1946
Berther Lucas, Sedrun	1957
Berther Cristian, Sedrun	1957
Decurtins Hans, Sedrun	1957
Decurtins Hans, jun., Sedrun	1979

Commembers veterans

25 onns commember dil club

Suenter 25 onns appartenenza sco commember activ da nossa uniun sa la suprastonza nominar tals sco commember veteran (dapi 1974).

Berther-Rhyner Cristian	1917	Deragisch Ervin	1957
Decurtins Alfred	1927	Deflorin Leci	1958
Monn-Decurtins Felici	1927	Venzin Raimund	1958
Schmid- Valier Teofil	1933	Berther Emmanuel	1959
Decurtins Hans	1939	Monn Battesta	1959
Berther Vigeli	1945	Schmid Rinaldo	1960
Caduff Flurin	1945	Deragisch Paulin	1960
Deflorin Pieder	1945	Gamboni Meinrad	1960
Jacomet Leci	1946	Cavegn Gerold	1961
Beer Gion Giachen	1947	Berther Felici	1961
Huonder Tumaisch Aluis	1948	Berther Paul	1961
Curschellas Tumaisch	1949	Cavegn Albert	1961
Loretz Augustin	1949	Hendry Werner	1961
Soliva Battesta	1950	Schmid Hans	1961
Curschellas Luis	1951	Schmid Alfred	1962
Schmid Ignazi	1951	Egolf Erwin	1962
Berther-Gaffuri Placi	1951	Bünter Josef	1962
Cavegn Rudolf	1951	Caduff Carli	1962
Venzin Teodosi	1952	Berther Conrad	1963
Decurtins-Beer Barla	1954	Hendry Baseli	1963
Hendry-Maisen Vigeli	1954	Hendry Meinrad	1963
Curschellas Carli	1956	Giossi Vendelin	1964
Deflorin Giachen	1956	Cavegn Guerino	1964

Monn Clemens	1956	Loretz Isidor	1964
Hendry-Beer Vigeli	1956	Maißen Dumeni	1964
Berther-Cavegn Ignazi	1956	Widera Josef	1964
Monn Benedetg	1957	Hendry-Levy Vigeli	1964
Cavegn Felici	1957	Hendry Bruno	1964

Conclusiun

Per la fin dil giubileum da 75 onns

Ils anno 1914 han entgins umens cun vasta vesida e curascha per enzatgei niev fundau il Club da skis Tujetsch, che sa pia uonn festivar il natalezi da 75 onns. Denter quels valerus secattan era sempels burgheis tuatschins, per semeglia ils calgers! Aschidadir han els introduciu e fatg enconuschenent il sport da skis ella Val Tujetsch. In fatg che mereta renconuschiantscha. Mo cun mieds primitivs, ils buobs cun slondas, ein ins a sias uras i cun skis. Sche quels tals vesessen oz co il sport da skis ei sesviluppaus en nossa vischnaunca? Segir fagessen els egls gross mo lein sperar ch'els havessen era grond plascher da veser co lur ovra ei sesviluppada.

La historia, sch'ins astga numnar quels 75 onns aschia, ei ussa messa a scret. Segiramein ei buca tut stau pusseivel d'eruir e da risguardar en la presenta cronica. Forsa ein schizun caussas impurtontas curdadas sperasgiu - denton segir senza malart. Auter ei semplamein iu en emblidonza en quels 75 onns. Bia leghers eveniments ed anecdotas ein satradas culs commembres defuncts.

En quels onns ein numerus s'engaschait pil prosperar dil club, oravontut las differentas suprastonzas, ils comites d'organisaziun mo secapescha era mintga gidonter a caschun da occurrentzas e mintga commembra e commember cun sustegn moral e finanzial. Il pli sempel survetsch sa esser da gronda muntada per ina uniun, pertgei l'unitad dat forza. Jeu patratgel en quest mument en special e principalmein vid ils numerus concurrents che han buca temiu gronds strapazs e s'engaschait cun gronda premura ed anim per presentar anoviars il club da skis. Ed els han fatg honur - quels valerus campiuns dad antruras ed oz. Ei fuss strusch pusseivel d'enumerar in e scadin e lur prestaziuns a caschun da concurrentzas senza schar curdar in u l'auter en emblidonza. La retscha da quels capo-skiunzs fuss gronda, pertgei buns skiunzs e skiunzas ha il club adina giu. Perquei ha il comite festiv sco era la suprastonza actuala exprimiu il giavisch da desister da numnar quels valerus sportists ord las retschas dil club, quels d'antruras ed oz, excepui las contribuziuns da singulas persunas e questa cronica. Ad els tuts finadin seigi engraziau da cor per tuttas prestaziuns e breigias che han fatg honur al club giubilont ed alla entira vallada.

Al club giubilont less jeu gratular e giavischiar in prospereivel avegnir. Il club astga segir ver quet da sia historia. Possi la lavur en favur d'in saun svilup dil sport da skis purtar era egl avegnir buns fretgs per nossa biala patria, la Val Tujetsch.

Il cronist

Fontaunas

Archiv communal, scatlas: Club da skis
 Protocols dil club 1914 - 1989
 Gasetta Romontscha dils 24 da mars 1964
 Informaziuns oralas da pliras persunas